

AN V

# IL STROLIC FURLAN

PAL

1924

cun duc' i Marciâz e lis Sagris de Furlanie

Societât Filològiche Furlane  
Udin 1923

118

## MODIFICAZIONI ALLO STATUTO DELLA S. F. F.

Con riserva di stampare per esteso sulla *Rivista* il verbale del *Congresso di Tolmezzo* (29 e 30 settembre 1923), comunichiamo per intanto ai Soci le modificazioni colà deliberate allo Statuto della Società.

### Articolo 5.

**Con disposizione transitoria la quota d'associazione per il 1924 dei soci annuali è portata da lire 12 a lire 15.**

Quest'aumento è stato votato all'unanimità per render possibile l'edizione della *carta del Friuli* al 150 mila, curata dal prof. Olinto Marinelli e da altri competenti, e la sua distribuzione gratuita, nel 1924, a tutti i soci, indistintamente.

Il costo della *carta* sarà notevolmente superiore all'aumento della quota; ciò non ostante l'impresa ha potuto essere affrontata principalmente perchè la Provincia del Friuli e il Comune di Udine hanno voluto contribuire all'opera di evidente interesse pubblico locale e anche nazionale.

Come notizia, avvertiamo esser già predisposta la stampa delle *poesie friulane di Ermes di Colloredo* (1 vol. di 272 pag.) a cura del prof. Giov. Cumin, da distribuirsi pure gratuitamente a tutti i Soci per il 1925. Se il Congresso prossimo ratificherà le proposte del Consiglio direttivo, la quota d'associazione sarà mantenuta in lire 15, ed ogni anno, all'infuori delle pubblicazioni ordinarie, sarà spedito ai Soci un volume scelto e curato secondo un piano organico, in vista della formazione d'una buona *biblioteca di lingua e letteratura friulana*.

### Articolo 8.

**Sono soppresse le parole: nel maggio.**

La modificazione si riferisce all'epoca dell'*assemblea generale ordinaria*, che lo Statuto indicava doversi fare in maggio,



mentre l'esperienza di quattro anni ha dimostrato che essa non si può fare se non *in autunno*. Ad ogni modo l'articolo modificato non stabilisce alcuna epoca, ed il Consiglio avrà piena libertà di fissare il tempo più opportuno della convocazione.

#### Articolo 9.

**Del I alinea sono mantenute soltanto le parole:** *le deliberazioni sono prese a maggioranza.*

Sono abolite le clausole restrittive della validità dei deliberati dell'assemblea (presenza di un quarto dei soci, prima e seconda convocazione, deleghe, ecc.).

**Nel II alinea le parole:** *due terzi*, sono sostituite dalle parole: *un decimo*.

Dato il gran numero di associati (oltre duemila) si sono volute render possibili delle eventuali ulteriori riforme dello Statuto, prescrivendo la presenza di *un decimo* anziché di *due terzi* di essi. La determinazione del *decimo* è più che sufficiente ad impedire delle deliberazioni inconsulte da parte di pochissimi soci.

---

AN V

# IL STROLIC FURLAN

PAL

**1924**

*cun duc' i Marciâz e lis Sagris de Furlanie*

**Societât Filològiche Furlane**  
**Udin 1923**

---

*Lis montagnis in corone  
biel turchinis di colór,  
cu' la nêf de mont Cianine  
che sot sere 'e fâs splendór;*

*e, par tant c'al cori il vol  
quant che il cil al è plui clar,  
prâz e ciamps, paisùz e gravis,  
e il barlùm lontàn dal mar...*

---

# Calendari par l' an 1924

## Principi de Stagions

Primevere	20 di marz	a	22 h	21 m
Istât	21 di giugn	a	18 h	—
Autùn	23 di setembar	a	8 h	59 m
Unviar	22 di dicembar	a	21 h	46 m

## Eclis

Nel 1924 saràn cinc eclis: tre di soreli e dôs di lune. Chês di soreli, che no si podaràn viodi in Italie, còlin ai 5 di marz, ai 31 di lui e ai 30 di avost. Chês di lune s'ciadin ai 20 di fevrâr e ai 14 di avòst; dutis dôs saràn visibilis e la prime sarà nel colm de fase a 17h 8m, la seconde a 21h 20m. — Tra il 7 e il 8 di mai al sarà pur un passàz di Mercùrio sul soreli che si podarà viodi ne la so seconde fase la matine dal 8 a cinc oris.

## Èpochis

*L' AN DI CRIST 1924 AL CORISPUINT A L' AN: 6637 dal periodo giu liàn; — 5684 dai ebreos; — 2677 da la fondazion di Rome; — 2105 da la fondazion di Aquilée; — 1342 dai maometàns.*

## CALENDARI CIVIL

### Fiestis governativis

Dutis lis domenis	SS. Ilari e Tazian (Gurizze)
1 di Zenâr	L' Assunzion
L' Epifanie	20 di setembar
L' Assension	Il dì dai Sanz
SS. Ermàcore e Fortunât (Udin)	Nadâl

La prime domènie di giugn 'e jé fieste nazional par ricuardâ il Statût.

### Altis fiestis

8 di zenâr	—	Natalizi de Regine
9 „	—	Muart di V. E. II.
14 di marz	—	Comemorazion di Umberto I.
21 di avrìl	—	Nadâl di Rome
2 di giugn	—	Muart di Garibaldi
18 di avòst	—	Nom de Regine
1 di setembar	—	Nom dal Re
4 di novembar	—	La Vitòrie d' Italie
11 „	—	Natalizi dal Re



# CALENDARI ECLESIASTIC

## Numars corinz

Numar d'aur	6	Lètare dominicàl	F. E.
Epate	24	Indizion romane	7
Ciclo solàr	1	Lètare dal martirològio	E

## Flestis mòbills

Setuagésime	11 di fevràr
Prin di di Crésime	5 di marz
Pasche	20 di avrìl
Rogazions	26 - 27 - 28 di mai
Assension	29 id.
Pentecuestis	8 di jugn
SS. Trinitàt	15 id.
Corpus Dòmini	19 id.
Prime domènie d'Avènt	30 di novembar

## Flestis di precèl

Dutis lis domenis		SS. Pieri e Pauli	29 di jugn
Circoncision	1 di zenàr	Assunzion di M.	15 di avòst
Epifanie	6 id.	I Sanz	1 di nov.
S. Josèf	19 di marz	Imacolade Con-	
Assension	29 di mai	cezion	8 di dic.
Corpus Dòmini	19 di jugn	Nadàl	25 id.

## Quatri timporis

Primevere	12 - 14 - 15 di marz	Autùn	17 - 19 - 20 di setembar
Istàt	11 - 13 - 14 di jugn	Unviar	17 - 19 - 20 di dicembar

## Villiis eclesiastichis

L'è proibìt da la Glésie di mangià di gràs: due' i vinars; il prin di e dutis lis sàbidis di Crésime, fur che la sàbide sante dopo di misdi; lis quatri Tímporis; lis villiis di Pentecuestis, de Assunte, dai Sanz e di Nadàl.

## Pronostic par l'an 1924

An bisèst

An senze sest

.... ma c'al crepi il strolie!



# Il judizi universâl.

Storiele di contá sot la nape

---

Cognossêso, par câs, Bortul Pezzete  
e so muir, done Bete?

Nò? Po ben, eco cà:

cun quatri pineladis, ben o mal,  
us ai pituri ... squasi al naturâl.

Lui, ben tressât, massiz, complèn, pelôs,  
ròs di muse, cui voi di trute lesse,  
miez spelât su la cozze, sdavazzòn,  
prepotènt, sbrundulòn,  
cun t'une vòs di bàs di fá trimá,  
màssime quant che i deve sù la grinte  
(e il câs nol jere rar); e un pâr di pugns  
che jerin doi ciastics di Dio, se mai  
ju vès dopràz sui dinc' di un disgraziât.

Je, sute, minudine,  
la muse di Madone dolorade,  
mieze grise, se ben che no fòs vece,  
cun t'un fá di creature rassegnade  
al so distìn, buine, di cur, cuiete,  
vistude cun bon sest e simpri nete:  
indafarade nome intòr de ciase  
e intòr di chel desio dal so omenât.

Lu sposà zovenine  
ch' al jere, veramentri, un biel fantât.

Par qualchi an la ciosse, lè di viole:  
'e jere la lor ciase il nît de pâs:  
ma il diaul, che, par un cont o par chel altri,  
al fice simpri la so brave code  
là che manco la ìnt s'è spietarès,  
sior sì, mo, che in chel nît l'olè fá prove  
de so malignitât, de so invidiate.

Cemùt fòrie? No sai, ma il fat al è  
che Bortul, planc a planc, al si butà  
malamentri; cul vin e cul petèz  
al parà vie la voe di lavorá,  
e, par finîle in glòrie, al si pensà  
fin di cambiá mistîr.

Si metè a fá il sensàr  
— sensàr di fen, di blave, di nemai —  
mistîr comut, baròn, plen di risorsis.

Figuraisi ce gionde!  
Plombis di fá spavènt:  
e, sei po pal mistìr, sei par l'esempli,  
al tacà a blestemá, piès che nò un turc.

Podès imaginási done Bete!  
Pùare fèmine! Dute spasamade,  
'e scomenzà a preálu cu' lis buinis:  
« Scóltimi Bortul, no tu paris bon:  
« nol è lengàz di persone educade:  
« 'e jé une ofese 'e nestre religion... ».  
E lui a ridi e a blestemá imò piès.

Stufe di pestá l'aghe tal mortàr,  
viodìnt che cu' lis buinis nol zovave,  
e scomenzà a cridái, a maltratálu:  
« Finissile, carogne che tu sês!  
« Ocio bambìn, che Dio nol pae la sàbide!  
« Vergonzôs, mascalzòn, ciamòe, vreasàt,  
« Si viodarìn te val di Giosafàt! ».

Bortul par dái resòn, e par fái viodi  
che al scoltave i conseis e lis cridadis,  
inciòehisi e blesteme piès di prime!  
Fuars al varès scoltât quatri legnadis:  
ma, pùare Bete!... Ben, olèso crodi?  
Ance par lui la zornade 'e vignì;  
i capità la so: staimi a sintí!

Une sere di sàbide, tornât  
no sai di ce marciât,  
al pensà ben di fá la "sabidine",  
Al veve za bevût fin de matine;  
ma, no conte! I restave un ciantonût;  
e, sei par mantignì la buine usanze,  
sei par... no stá a diziun,  
al tire sù une plombe numar un:  
po-disinlu in so onór-quant che Dio à olût,  
al lassà l'ostarie plen come un gût.

Ciaminànt di sclavuèz,  
a fuarce di zig-zags e di blestemis,  
al tornà a ciase intòr de miezegnòt,  
che done Bete ere za lade sot.

Zonconànt, sbrundulànt e corponànt,  
al plombe, piès che nò une bombe, in ciàmare.  
(Done Bete, impiât che vè il lusór,  
'e steve lì cidine,  
par che nol s'invelegni imò di plui).  
A fuarce di fadiis, al si dispoe,

e, tigninsi te spuinde par stá dret,  
al rive ad ore di ficiási in jet.

“In non di Dio!,, 'e suspire done Bete,  
e torne in presse a distudá il lusór.

Ma, ce non è, dopo un quart d'ore apene,  
'e sint il so omenàt ch' al si remene,  
al sofle, al daspe, al ripe,  
al volte in jù la tripe,  
al sgrifigne il cussìn, al si tombole,  
po dut in t' un momènt  
— figuraisi il spavènt! —

lu sint a plombá jù te canisele.

“Jesumarie!,, — Trimànt di ciáf a pìs,  
come che pò, torne a impiá il lusór...

Ce spectacul che viôt díus nol ocòr!

'E dismonte, i va donge spasamade:  
«Bortul, Bortul!» E lui: «Oh Dio! Oh Dio!...»

Ce biel viodi, par bio,  
done Bete in ciamese,  
a prová a tirá sù chel sacodàl,  
par zonte dut strafònt,  
parcè che, tal colá, — (cun perdonanze) —  
al veve fin struciát il so urinàl  
ch' al jere sot il jet!

Ce dal diambar, mo, èrial sucedût?

Ché tòmbule di un sium 'e fo l'efiet.

Bortul al si insumià di sedì muart;  
e i pareve di jessi sapulìt  
te casse, quant che, un ciert momènt, al sint  
un davoì, un fracàs, un pandemoni,  
un talpetá di ìnt;  
po al viôt a spalancási la so casse...;  
e, senze c' al s' indès,  
al si ciatà issofàt,  
erot rampit, in te val di Giosafàt.

Chel ch' al viodè podès imaginási.  
Une fole, un mismàs, un tibidoì;  
fis tan' che lis sardelis tal barìl,  
umign, fèminis, frùz a misturòn;  
e, in miez de confusion,  
al rivà ad ore a olmá, ma di lontàn,  
cu' la muse ridìnt,  
(parzè che la coscienza ere cuiete)  
l' ànime buine de so pùare Bete.

Al oleve láì donge: sì lafè!  
Par tant c' al lavoràs di comedóns,



di... mòcui, di sburtóns,  
nol si movè di un pàs; e, par prionte,  
al ciapà dal vilàn, dal mascalzòn,  
de int c' al veve intòr.

Ce non è, al comparìs, in chel momènt,  
tal cil un gran splendór.  
Sintât sun t'un niul d'aur, come sul trono,  
si presente il Signór;  
e, intòr di lui, àgnui vistûz di blanc,  
che vevin duc' in man une cimute  
di ulif. Si cidinà, come d'inciànt,  
chel davoì c'o us ài dit.

Sèrio sèrio, il Signór al fâs un segno  
cu' la gestre, e chei àgnui, jù, in t'un trop,  
a svolà ad or de int,  
e a tociá sul cerneli cu'l ulif  
lis ànimis dai bogns, cà e là, te fole.

Par ordin che tociavin, i beâz,  
lizérs tan'che falis'cis su pe nape,  
quant che si stizze il fuc,  
'e levin sù, contènz e si pierdèvin,  
te lûs dal Paradís:  
e, fra chei, done Bete.

Co la viôt a lá sù, Bortul Pezzete,  
al tache a berghelá cun dut il flât:  
« Spietimi, Bete, c'o ven sù ance jo! ».  
« Salùdile! » i rugnà, donge, une vòs:  
« Bortul, tu sês danât! ».

Finide che fazzende, al scomparis  
il Signór, il niul d'aur, e il s'ciap dai àgnui:  
il cil s'innule, e, fur di une busate,  
eco vigní indenànt  
il Demoni in persone,  
neri, pelòs, cui voi tan' che dôs boris,  
cu' la code di mùs e i cuars di bo;  
e, in segno di comànt, al ten in man  
une force massizze di ledàn.  
Daùr di lui, tan' che un gran s'ciap di zoris,  
'e vignive, uacànt e sgambetànt  
dute la valadrive dai diaulîns,  
cun barbe e cuars di bec,  
talpis di ciare, grifis di falcùz,  
la code di pureit e i voi di zùs.

Cun t'une vòs di manz di fá spavènt  
tal so lengàz di diaul,  
Berlic al dà il comànt:



« *Alée, parblée, sburtée !* »;  
e i diaulins, duc' contènz,  
a fuarze di clapadis,  
di scapelòz, di pugn's e di pidadis,  
a sburtá tal infiar  
la màndrie maladete  
des canais, dai furfànz, dai viziôs.

Bortul, viodìnt che si meteve mal,  
ualmât un zondar sot di une cretae,  
vie, a ficiâsi drenti, a ûs madràc!  
Ma... i restà fur un pît.

Un diaulin lu cucà,  
e al si metè a tirá.  
Bortul al si tignive, ma il diaulin,  
pontade une talpute cuintri il cret,  
al dà un tiròn cun dute la so fuarce,  
e Bortul al jessì dut scorteât,  
tan' che se i vessin passât sore un grati.  
Il diaulin, inrabiât,

i mole quatri grops fra cope e cuel,  
e, miez inmatunît, s'al bute in spale,  
e, vie, a volòp, su l'or di ché busate,  
a struciâ Bortul, jù, tal cialderòn!...

Al fo chel il momènt dal repetòn  
di Bortul, jù dal jet te canisele.

Vin lassât done Bete indafarade  
a torná a meti in jet chel so sdarnali  
di omenât, ch'al ciulave di dolór,  
parcè che, tal colá, cussì di plomp,  
si veve discuinzade une conole.

Intànt che strussiave,  
viodìnt che Bortul plui nol blestemave :

« Astu vude la to, brute carogne ?

« Su po, blesteme! » — 'e leve vie disìnt —

« Ciamòe che tu sês un; no tu blestemis ?

« Al è il ciastic, lafè!

« Fur, un "corpo", dai tiei, vreasàt! ». E lui:

« Ah, Bete, Bete, no blestemi plui! ».

Ma nol disè parzè.

ZANETO DEL PUPPO

## I bai.

Une volte monferinis  
e mazurchis galandinis,  
polchis, valz cun bon sistin  
— e il morôs par balarin —  
sul breâr, il di di fieste,  
discreânt la gnove vieste,  
baluzzavin li fantatis  
ne fasevin piz li matis.

Zirânt, zirânt  
tor dal brêar.  
zizisucânt  
fra qualchi pâr,  
al s'imbastive  
un matrimoni  
senze bisugne  
di testimoni.

Fra lûs e scûr  
qualchi bussade  
fra i riz colave  
da ciavelade;  
senze malizie  
senze ingianizie,  
che, sì, lafè,  
l'ere un plasé.

E cumò senze une gote  
di pudôr, il mont s'infote!  
Fox - trot, One - step e Fadò  
son la mode di cumò.  
Spetoladis li pulzetis  
mostrin nudis li polpetis;  
dût l'è in mostre e si pol crodf,  
che l'è simpri un ale ze viodi.

Cul balarin  
tacât sul sen,  
smenânt i flancs,  
o mal o ben,  
si sburtin, scrofin,  
molin e tirin,  
a zanche e a drete  
vadin e zirin;

Ia boce e i voi  
dute piture,  
la ciavelade  
un'imposture:  
dute malizie,  
dute ingianizie...  
Oh Dio ze bai,  
che il folc us trai!

# Zenâr

In chest mès il di si slunge di 0 h 55 m		Lune gnove il 6	Lune plene il 22	Pronostics dai nestris viei
		Prin quart il 13	Ultin quart il 30	
✠	1	M	<i>Circoncision dal Signôr</i>	
	2	M	Nom di Gesù - s. Zoilo	
	3	J	s. Genovefe	
	4	V	s. Alberto	
	5	S	s. Telèsforo	
✠	6	D	<i>Epifanie</i> (Pasche T.) L. M.	
	7	L	s. Crispin	
	8	M	s. Severin	
	9	M	Natalizi de Regine Èline s. Fortun. - s. Marcelin Muart d V. E. II.	
	10	J	s. Guglielmo	
✠	11	V	s. Gino pape	
	12	S	s. Tizian	
	13	D	s. Leonzio P. Q.	
	14	L	b. Durì di Pord. - s. Ilari	
	15	M	s. Maur	
✠	16	M	s. Marcèl pape	
	17	J	s. Antoni abât	
	18	V	La càtedre di s. Pieri	
	19	S	s. Paulin Pat. di Aquil.	
	20	D	ss. Fabian e Bast. mm.	
✠	21	L	s. Agnese	
	22	M	s. Vincènz martar L. P.	
	23	M	Sposalizi di M. V.	
	24	J	s. Eugenio	
	25	V	Convers. di s. Pauli	
✠	26	S	s. Policàrp	
	27	D	s. Zuan Grisòstomo	
	28	L	s. Cirilo vescul	
	29	M	s. Francèsc di Sales U. Q.	
	30	M	s. Martine v. m.	
	31	J	s. Giulio predi	

Diu nus uardi di un bon zenâri par podé jemplâ il granâr.
Epifanie - il frêt s' invie.
Zenâr al fâs il peciât, Mai al ven incolpât.
Sant' Antoni di zenâr, Un' ore biel auâl.
Sante Agnese - miez fen e (mieze spese.
S. Pauli l' albe clare, La Madone (2/2) scure, No vin plui paure.
Cul cialt dai bleons no si fâs (boli la cite.



## Tontoná o fá ?

*'A bat la miezegnôt e lui nol è tornât.*

*Tunine sta spietânt e il siun no à ciapât.*

*Confronte il vivi so cun chel di so marît,  
ogni bisùgn 'a viôt, 'a viôt ce che à patîr,  
e un gran convùls i ven, cun ràbie di murî....  
Ma eco che il so pàs alfin si fâs sintî.*

*E je, che il stomi à plen, tignîsi no pò plui,  
e: « Mûs e pelandrôn! » 'pene c' al rive lui  
scomence a saltâ sù: « Ruvine de famee!  
brut traditôr dai fruz! Finîrìn su la bree,  
cause di te, paciôc! Cause il to gosolâr  
ai fis c' a son to sanc no restarà un agâr! ».  
« Ma tâs, tâs, c' al è mior! » lui ogni tant i dîs;  
e je tontone, e, dai, 'e clame muarz e vîs,  
fâs zuramènt su lor che je vul dâsi un ton  
opûr c' a fâs un bot, c' a finirà in presòn!  
E lui, c' a nol à sèt, stufât di dî: « tâs, tâs »  
i mole un scufiot, po al plante sac e râs,  
torne a vistîsi svelt, la lasse a tontoná,  
al s'ciampe vie curînt e là c' al va al va.*

\* \* \*

*Regine no matee, ance se l' om sta fur  
no tire la morâl se il cur l' à dolc' o dur,  
no s' invelegne il sanc par stâ a pensâ se il pan  
al è sigûr par ué, se al rive par domàn.*

*Ma quant che a tarde gnot al càpite il marît,  
e spès come un vassiel emplât, ma ben pulît:  
« Puarin! i dîs: « tu às siun! » I mostre tant afiet;  
sul lavri 'a dopre mêl; lu jude a lá tal jet;  
se chel ciocât d' un om si met svelt a durmî  
je cu' l' orele e' sta in scolte par sintî....*

*E quant c' al ronfe ben come chel sior tal ciôt,  
lu clame sù adasiut, lu poche; e quant c' a crôt  
che lui al duarmi fis 'a jeve planc planchîn,  
'e va zirânt a scur inviers il so tacuìn;*

*'ne patafadi i dà, pensànt: « Cussî, cussî:  
se tu tu sês paciôc cirìn di no patî! ».  
E tal domàn, cun lui, 'a é dute maravee:  
come modèl di pàs mostrade 'a é ché famee.*

*Si vante l' om cun duc'; si vante fra di sè  
che come so muîr no 'nd è di mior, no 'nd è.*

ANNA FABRIS



# Fevrâr

In chest mès il di si slunge di 1 h 14 m		Lune gnove il 5	Lune plene il 20	Pronostics dai nestris viei
		Prin quart il 12	Ultin quart il 27	
✠	1	V s. Ignazi v. m.		
	2	S Purificazion di M. V.		
	3	D s. Blâs v. m.		San Blâs — il frêt al tae il (nâs.
	4	L s. Dree Cors.		
	5	M s. Agate v. m.	L. G.	Cor a masenâ - se nò la roe (a s'impetrîs.
✠	6	M s. Dorotee v. m.		
	7	J s. Romualt abât		
	8	V s. Zuan di Matha		
	9	S s. Polònie		
	10	D s. Scolâstiche v.		Se al va ploiôs fevrâr - tu pûs (svuedâ il granâr.
✠	11	L Madone di Lourdes		
	12	M ss. Siet Fondatôrs dai Serviz	P. Q.	
	13	M s. Fos'ce		
	14	J s. Valentîn predi		San Valentîn inglazze la roe cun dût il mulin.
	15	V ss. Faustine e Giovite mm.		
✠	16	S s. Giuliane		
	17	D ss. Martars di Concuârdie Setuagésime		
	18	L s. Simeon V.		
	19	M s. Giulian m.		
	20	M s. Eleutèri m.	L. P.	La ploe di fevrâr vâl tant che un ledamâr.
✠	21	J s. Massimian		
	22	V Cat. di s. Pieri in Ant.		
	23	S s. Pieri Damian		
	24	D s. Pieri Orséolo - Sesa- gésime		San Matie cu' la manazzute s'al ciate glazze la fruzze.
	25	L s. Matie ap.		
	26	M s. Sandri		
	27	M s. Margarite di C.	U. Q.	
	28	J s. Macari		Fevrâr senze criure, Marz si viest di verdure.
	29	V s. Romano m.		

## Il purcièl di Pieroto.

Pieroto prin paciòc e prin barbìr  
De la citadinanze tresemane,  
Al vignive a sbarbá, che mi pâr îr,  
Gno barbe duc' i dîs de setemane.  
Gno barbe. triestìn e cavalìr,  
Pai mès che al steve te « Versail » furlane,  
I deve un franc in dì par chest mistìr;  
E in ché volte un francùt l'ere une mane.  
Cun chei francs mitùz vie, dopo Nadàl  
Pieroto si comprave il temporàl,  
Che in tanc' salàms i leve jù pal cuel.  
O' podès dome crodi ce dafá  
Quanche gno barbe al veve di rivá:  
— Gio, Pieroto, ce còntistu di biel? —  
E lui a bacaná:  
— Ance chest' an o' vìn di purcità ... —  
— Cemùt? —  
— Al è rivât... —  
— Cui mo? —  
— Il purcièl!... —

19 di lui dal '23.

SPARTACO MURATTI

## Sapienti pauca...

Se clamá t'ûs li to bestis  
« cià ninùt! » digi al purzèl,  
e « ciò zerbùl! » e « ciò stela! »  
a la vace, al bo, al vigèl;  
« Ci ci coche! » a la gialine;  
« to to! » al cian, « vi vi! » al ocàt,  
« buti buti! » a la razzute  
e « tui tui, ninìn! » al giat.  
Ma fra nó che vìn ta cozze  
duc' i dons dal Spirtusànt,  
nol ocòr, se urìn clamánus,  
di butá tant flât di bant:  
a une fèmine che plasi  
di scuindòn un pizzigòt;  
je di sbris 'ne zimíade,  
e ciapàt ti à il so merlòt.

TUNÌN CIARUTÌN

# Marz

In chest mès il di si slunge di 1 h 35 m		Lune gnove il 5 Prin quart il 13	Lune plene il 21 Ultin quart il 27	Pronostics dai nestris viei
✠	1 S	s. Albìn		Marz - mene la code pal bearz.
	2 D	s. Simplizi - Quinquag.		
	3 L	s. Irene e comp. mm.		Di Carnevâl - ogni mat al vâl.
	4 M	ss. Casimìr e Lùzio Ultim di carnevâl		
	5 M	s. Eusèbi ( <i>Ceneri</i> ) L. N.		Come c'al va l'ultin di Car-
	6 J	ss. Perpètue e Filic. mm.		nevâl e il prin di Crésime, va dute la Quarésime.
	7 V	s. Tomâs di Aq.		
✠	8 S	s. Zuan di Dio		
	9 D	s. Frances'ce Rom. - I Cr.		
	10 L	ss. Quarante martirs		
	11 M	s. Costantin		
	12 M	s. Gregori <i>Timp.</i>		San Gregori pape - la cisile
	13 J	s. Cristine <i>P. Q.</i>		(passe l'aghe.
	14 V	s. Matilde <i>Timp.</i> Comemorazion di Umb. I		
✠	15 S	s. Zacarie pape <i>Timp.</i>		
	16 D	ss. Ilari e Tazian mm. Patronos de Citâ di Gurizze II di Cr.		
	17 L	s. Patrizi vesc.		
	18 M	s. Cirilo vesc. dot.		Buine anade 'a ven, se a Sant' Josèf al fâs serèn; albe clare a la Nunziade, anade beade.
	19 M	s. Josèf		
	20 J	s. Ipòlito		
	21 V	s. Benedèt <i>L. P.</i>		
✠	22 S	s. Benvignût		
	23 D	s. Fedèl m. - III di Crés.		
	24 L	s. Simeòn frut		
	25 M	La Nunziade		
	26 M	s. Teodoro		
	27 J	s. Zuan di Damàsc <i>U. Q.</i>		Se San Ruperto nol à nui, no ju varà nance il mès di (lui.
	28 V	s. Zuan di Cap.		
	29 S	s. Secònt		
✠	30 D	s. Amedeo		Ustu vé most? lavore cussi: un ciâf di manco e un volì (di pl.
	31 L	s. Beniamìn		



## Avrìl.

Avrìl l'è un frutazzàt malegraziôs,  
rabin, testàrt, estrôs :  
cul so temperamènt  
al fâs vai so sur la Primevere  
apene chë ven fur  
a screá l'abit gnûf.  
La spiete a unë voltade, e a tradimènt  
i tirë donge i rusumuis de buere  
dismenteâz par strade dal Unviar,  
e, coringi daür,  
i svinte, i fis'ce, i plûf, i fâs l'infiar.  
Je peste i pîs, 'e vai,  
e lui, par no stá in rotis,  
slambrànt un nûl al fâs lusí il soreli  
sui rams e su lis fueis plenis di gotis,  
che ridin tal so rai, fasingi spieli.  
Torne a ciantá un gialût; si sint pe vile  
il sivilòt di un frut  
e il riduzzá tan' legri de sisile.  
Avrìl l'è un frutazzàt malegraziôs,  
estrôs, testàrt, rabin;  
ma baste un sol momènt di buine cere  
par fá torná il morbin 'e Primevere,  
par fá dismenteá la muse dure  
che a lunc no pò tigní mari Nature.

Avril 1923.

EMILIO NARDINI

## In alt.

*O bon odór salvadi di albespine  
par chei trois di montagne in primevere,  
quant che si leve vie za di matine  
e si tornave sul calá de sere!  
Vai del rusignûl te pás cidine  
de l'albe che vignive sù lizere;  
zorná de lodolute galandine  
che leve in alt a fá la so preiere...  
Vignivin jù dai lor ciasai in presse  
i montanàrs par lá a ciapá la messe,  
e, biel passànt, nus davin il bondì.  
E nó che 'o levín vie come t'un' onde  
di poesie, di amór, di lûs, di gionde,  
no savevin se ridi o se vai...*

GIOVANÌN LORENZÒN



# Avrîl

In chest mès il dì si slunge di 1 h 20 m		Lune gnove il 4	Lune plene il 19	Pronostics dai nestris viei	
		Prin quart il 12	Ultin quart il 26		
✚	1	M	s. Dore m. - s. Ugo	In Avril - si bute la cialze (pal curtîl.	
	2	M	s. Francèsc di Paule		
	3	J	s. Ricardo		
	4	V	s. Isidoro v.	L. H.	Ustu vé aghe tal barîl ? Quinze di Avril.
	5	S	s. Vincènz Ferreri		
	6	D	Dom. di Passion - s. Sisto		
	7	L	s. Epifani v.		
	8	M	s. Amànzio v.		
	9	M	s. Demètrio m.		
	10	J	s. Pompeo m.		
	11	V	s. Leon pape - I VII Dolôrs di M. V.		
✚	12	S	s. Zenòn	P. Q.	Ulif bagnât e ûs sùz, ûs sùz e ulif bagnât.
	13	D	Dom. Olive - s. Gildo re		
	14	L	s. Justin m.	Se al plûf Vinars Sant, arsure l' an dût quant.	
	15	M	s. Vitorin		
	16	M	s. Calisto m.		
	17	J	s. Liberâl c.		
	18	V	Ded. dal Domo di Udin		
	19	S	s. Crescénzio		L. P.
✚	20	D	<i>Pasche</i>	Vègnie tart, vègnie a buinore, di là a durmî dopo gustât - (jé simpri l' ore.	
	21	L	s. Anselmo vesc. Nadâl di Rome		
	22	M	s. Caio pape		
	23	M	s. Zorz m.		
✚			b. Eline di Udin	S' al plûf il dì di S. Zorz, il cavalîr al va te cort.	
	24	J	s. Fedél di Sigm.		
	25	V	s. Marc evang.		
	26	S	ss. Cleto e Marcellin	U. Q.	Bisugne semenâ di... miarcuz.  Avril ploiês - an bondanziôs.
	27	D	Dom. in «Albis» s. Zite		
	28	L	s. Pauli de Crôs		
	29	M	s. Pieri m.		
30	M	s. Catarine di Siene			

## XXIV di mai.

a Tite Marzutin

O ce glòrie la campagne  
Che floris sot al soreli!  
O ce clare la montagne  
Sot al cil che al pâr un spieli  
In te ombrene de ciarande  
Va ciantànt il rusignùl  
Duc' i amórs che di ogni bande  
E' svoletin in Friul;  
Lu compagne la cisile  
Che cisiche donge il nît,  
Ma a chei cianz, in ogni vile,  
Plui di un cur si sint ferît:  
Son chei cianz il miserere  
Che si ciente pai defónz:  
Qualchidùn scolte sot tiere,  
Vie pe plane e par chei monz.

—  
Miserere, miserere!  
Fâs ghirlandis Primevere  
Par duc' chei che son sot tiere:  
Da la Ciargne fin al mar  
Son chei monz dut un altâr.

Miserere, miserere!  
E' son duc' i muarz in uere  
Par l'Italie e pal Friul;  
Ciente ciente rusignùl  
Miserere, miserere!...

24 di mai dal '23.

SPARTACO MURATTI

## A un amì.

Ven cà di mè; starìn bessoi in pàs  
gioldint l'afiet, l'amór de mé famee,  
dismenteànt il mont che nol dà pàs.  
Torne miò bon amì puartànt cun tè  
gnovis speranzis pal miò cur malât,  
e guarirai di bot, senze savé...

P. S. DAI M.

# Mai

In chest mès il dì si slunge di 1 h 9 m		Lune gnove il 4 Prin quart il 12	Lune plene il 18 Ultin quart il 25	Pronostics dai nestris viei
✠	1 J	ss. Filip e Jacum Ap.		Prin di mai - S. Jacun e Fi- (ilp ciatai
	2 V	s. Atanasi v.		Tiarze di - Sante Crôs ful
	3 S	Invenzion de s. Crôs		Un pôc pluî tart - S. Gotârt
	4 D	s. Gotârt L. N.		e tai domàn - San Florean cul (spic in man.
	5 L	s. Florian; s. Pio V.		Vint di mai bondanze che (mai.
	6 M	s. Zuan «ante Port. Lat.»		
	7 M	s. Stanislao V. m.		
	8 J	Apariz. di s. Michél		
	9 V	s. Greg. Nazianzàn		
	10 S	s. Antonìn arciv.		
✠	11 D	s. Francèsc di Jaroni		
	12 L	ss. Nereo, Pancrazi e comp. mm. P. Q.		Marz sùt, avrìl bagnât, mai (temperâ, beât il contadin ca l'â seme- (nât.
	13 M	s. Sigismondo re		
	14 M	s. Bonifazi		
	15 J	s. Zuan de la Salle		
	16 V	s. Ubaldo v.		
	17 S	s. Pascàl Baylon c. - s. Màssime		
	18 D	s. Venànzio m. L. P.		
	19 L	s. Pieri Celestìn pape		Se in mai tempieste - nuie (no 'l reste.
	20 M	s. Bernardìn di Siene		
✠	21 M	s. Valènt m.		
	22 J	s. Giùlie v.		
	23 V	s. Desideri v.		
	24 S	ss. Donazian e Rog. mm.		
	25 D	s. Grivôr VII pape U. Q.		Se al svinte a San Grivôr in'vin quarante dis a fârumôr.
	26 L	s. Filip Neri		
	27 M	s. Bede dot.		
	28 M	s. Agostìn V.		
	29 J	La Sense - s. Marie Mad. de Pazzis		S'al plâf il dì de Sense Quarante dis no si sta senze.
	30 V	s. Feliz P. m.		
	31 S	ss. Cànzio, Canzian e Can- zianile mm. di Aquil.		

## **Ce ustu Tresesin...**

---

Di gnot, co la lune dal cil miez nulât  
'E bat su la glésie, sul ronc, sul pedrât,  
E il vint pes colinis fâs cori un sussûr  
Di fueis, di ciampanis lontanis tal secur,  
Un ciant, une mùsiche mi pâr di sintî:  
« Ce ustu Tresesin di mior di cussì?... »  
Tresesin, Tresesin! varai fin c'o mur  
Chei cianz tes orelis, chei timps drenti al cur;  
Ché mùsiche selete de mé zoventût,  
Che pâr che mi ciantin duc' chei c'o ài piardût.  
Di chei d'in ché volte cui rèstial cumò?  
Tre quatri che clopin... e un 'o soi jo!  
Ma Sèbio de Pueste l'à cur di balá  
Mazurchis e stàiaris, e po di ciantá:  
« Ce ustu Tresesin di mior di cussì?  
O'sin simpri in fraie di gnot e di di... »  
I zovins no scoltin, no fasin discòrs:  
Si strenzin, si russin, balànt come i ors...  
Tresesin, Tresesin, sparît l'è l'inciànt!  
Sparidîs chês fiestis, no reste che il ciant,  
Che i altris no sintin, che dentri tal cur  
Jé come une mùsiche lontane, che mur:  
E dîs di une vite svolade in t'un di...  
« Ce ustu Tresesin di mior di cussì?... »  
8 di lui dal '23.

SPARTACO MURATTI

## **'O sai sîs lenghis....**

---

Il furlàn cu' la mé frute,  
cul mé amî talian leât,  
e il franzês cun ché siorute  
che si clame « ziviltât ».

Par latîn prei la Madone,  
par inglês 'o pai l'afit,  
e in todèsc, lengàz di mone,  
in tal ciôt pari il pureit.

TUNIN CIARUTIN



# Giugn

In chest mës il di si slunge fin ai 22 di 16 m e po si scurte 1 m		Lune gnove il 2	Lune plene il 17	Pronostics dai nestrìs viei
		Prin quart il 10	Ultin quart il 24	
✠	1 D	s. Marcelin m.		
		Fieste dal Statùt		
	2 L	s. Erasmo m. L. M.		Ai prins di jugn la falz tal pugn.
		Muart di Garibaldi		
	3 M	s. Clotilde reg.		
	4 M	s. Quirin - s. Franc. Car.		
	5 J	s. Bonifazi V. m.		
	6 V	B. Beltràm Pat. di Aquil.		
	7 S	s. Robèrto		
✠	8 D	Pentecostis - s. Bete		Frescure in jugn, il ràp in cuàr e la ruvine del mulinàr.
	9 L	ss. Primo e Feliciàn mm.		
	10 M	s. Margarite reg. P. Q.		
	11 M	s. Bàrnabe Ap. Timp.		Ploe a S. Barnabà, il vìn al va.
	12 J	s. Basilide e Comp. mm.		
	13 V	s. Antoni di Pàd. Timp.		
	14 S	s. Basili dot. Timp.		
✠	15 D	Ss. Trinitàt - ss. Feliz e e Fort. mm. di Aquil.		
	16 L	s. Francèsc Regis		Nùl a lane - pò durà une (setemane;
	17 M	s. Ciriache m. L. P.		Nùl a scialfins - ploe a slavins;
	18 M	ss. Marce Marcellian mm.		Gradesane la matine - (buras'ce vizine.
✠	19 J	Corp. Dom. - s. Gervàs		
	20 V	s. Silveri pape		
	21 S	s. Luigi Gonzaghe		
✠	22 D	s. Nicete arc. di Aquil.		
	23 L	s. Zenòn		
	24 M	s. Zuan Batiste U. Q.		Il timp c' al còr a S. Zuan al còr dut l'an.
	25 M	s. Guglielmo ab.		
	26 J	ss. Zuan e Pauli mm.		
	27 V	ss. Cur di Gesù		
	28 S	s. Leon V pape		
✠	29 D	ss. Pieri e Pauli App.		A S. Pieri - il soròs plate il (pueri.
	30 L	Comemorazion di s. Pauli		

## Lis âs.

*In t'un splaz dal miò zardin  
a misdi, sot di une lòbie  
che ripare il cialt, d'istât,  
e il garbìn, vie pal unvier,  
ài mitût su une banchine  
duc' i bôz da lis mês âs.  
Di une bande al si rimpine  
un rosâr, e i siei ramâz  
a' s'incrosin, a' s'ingropin  
un pôc, sot lis tricëaris,  
cu' lis fueis di un vidulâz  
c'al va sù e al s'intortee  
par un fil di fier. Ogni an  
sun t'un tráf une sisile  
alì 'e torne a fá il so nît....*

\* \*

*Businin lis âs  
a' fasin sussùr  
e sence vé pás  
van dentri, van fur,  
murmugnin ciantànt  
ti odorin di mil,  
e' van vongolànt  
a larc in tal cìl.*

*Tes bielis zornadis  
no stan a polsá,  
son dutis beadis  
di cori cà e là.*

*L'umór de rosade  
l'è simpri par lor,  
ognune é ingosade  
dal dolz di ogni flor.*

*La ploe 'e jé stade,  
si vierzin i flors....  
La schene àn maglade  
di duc' i colòrs,*

*àn plenis lis zatis  
di polvar di flor,*

*e fasin lis matis,  
tornànt dal lavôr.*

*Lavore, struscïe  
cui sa cun ce frut?  
se l'om come nie  
i rafe sù dut!*

*E' muerin cuietis  
dai stes lor sudòrs,  
e son benedetis  
tal regno dai flors.*

*Tal bôz misteriôs  
cui sa ce c'al ven?  
Là dentri é la vós  
dai flors, dal serèn!*

*Se il bôz al busine  
l'union jé complete,  
e sol la regine  
comande a bachete.*

*Il bôz al sussure  
in dute armonie  
il ciant de nature:  
bondanze e ligrie.*

PIERI SOMEDE DAI MARCS

# Lui

In chest mès il di si scurte di 0 h 49 m		Lune gnove il 2 Prin quart il 9	Lune plene il 16 Ultin quart il 23 Lune gnove il 31	Pronostics dai nestris viei
✠	1 M	Preziôs Sanc di Gesù		
	2 M	Visitazion di M. V. L. N.		
	3 J	s. Eliodoro vesc. di Altin		L' ombrene d' estât - fâs mâl (d' unviar)
	4 V	s. Uldari		
	5 S	s. Filumene - s. Antoni		
	6 D	s. Romul		
	7 L	ss. Cirilo e Metòdio vv. cc.		Miei sudâ che nô tossi.
	8 M	s. Elisabete Regine		
	9 M	s. Letizie P. Q.		
	10 J	ss. Feliz e i 7 fradis mm.		
	11 V	s. Pio I pape nat. di Aq.		
	12 S	ss. <i>Ermâcore e Fortunât</i> Patronos di Aquilec, di Udin e de Province.		A Sant' Ermacul la blave va in penacul.
✠	13 D	Ded. de Basilic. di Aquil.		
	14 L	s. Bonaventure vesc.		
	15 M	Il Redentôr		
	16 M	La Madone dal Càrm. L. P.		Se ciate bagnât ( <i>la canicule</i> ), ( <i>'a lasse bagnât</i> )
	17 J	s. Alèssio		se ciate sût, 'a lasse sût
	18 V	s. Camilo de Lelis		
	19 S	s. Vicènz de Pauli c.		
	20 D	s. Margarite v. m.		
	21 L	s. Prassede v.		
	22 M	s. Marie Madalene		Sante Marie Madalene - 'a ( <i>vai vulintir.</i> )
	23 M	s. Apolinâr v. m. U. Q.		
	24 J	s. Cristine v. m.		
✠	25 V	s. Jacum Ap.		
	26 S	s. Ane		La dote di Sant' Ane ( <i>buere</i> ), 'a é tante mane.
	27 D	s. Pantalòn		
	28 L	ss. Nazari e Celso mm.		
	29 M	s. Marte v. Muart di Umberto I, 1900		Fones in quantitât, An tribolât.
	30 M	s. Abdòn e comp. mm.		
	31 J	s. Ignazi c. L. N.		



## Sere d' avòst.

Ingriske un aierùt di quant in quant  
La pradarie, e un avostàn si svee,  
Po doi, po tre si compagnin sunànt,  
Sune dute l' orchestre de famee.

Lajù il soreli al sparìs indorànt  
Chel nûl tant biel c' al è une maravee,  
E la lune, cà vie, ven indenànt  
Rosse che pâr di fuc, gnove di sree.

Cumò sul ciar del fen tornin lis voris  
Ciacaruzzànt, e si sint il sivìl  
Del canaiòt c' al ingrume lis pioris.

Tornin sfladànt i bûs (ance un momènt,  
Po gioldarês te stale) e cuintri il cil  
Il ciar del fen al pâr un monumènt.

E. FRUCH

## In memòrie di Rosari di Lessi.

A Secondo Zanutìn  
avocàt e cavalir.

Co jeri frut saltavi jù dal jet  
Che ancemò l' albe 'e veve di cricà:  
In sachete il curtìs, un fazzolèt...  
E vie, che mi pareve di svolá!  
Ché volte 'o jeri mat par oselá,  
E imparavi i segrèz, plen di rispiet,  
Di tirá la filaine e di uità,  
Da un professór famòs: Jacum Boschèt.  
L' ere cun nó un pùar vecio clopadiz,  
Oseladór tremènt, plen di passion,  
Ma sort ciampane, e nol viodeve piz.  
Une di che la Sueime 'e jere in plene:  
- Giò, « Pissardo » - al mi dis - ti puarti jo; -  
- Po seso mat, Rosari? Cun ché schene? -  
Ma lui, come un leon,  
Mi ciape in spale, e intànt c' o dis di nò...  
Jù duciudoì te aghe a tombolòn!

11 di luf dal '23.

SPARTACO MURATTI

# Avòst

In chest mès il dì si scurie di 1 h 35 m		Prin quart il 8	Ultin quart il 22	Pronostics
		Lune plene il 14	Lune gnove il 30	dai nestris viei
✠	1 V	s. Pieri in Vinc.		
	2 S	s. Alfónso de Liguori		La prime ploe d'Avòst,
	3 D	Invenzion di s. Stiefin		rinfres'ce il bosc.
✠	4 L	s. Dumini c.		
	5 M	La Madone de nêf		
	6 M	Trasfigurazion di N. S.		Cui c'al svange la vit d'Avòst
✠	7 J	s. Gaetàn c.		al jemple la ciànive di mòst.
	8 V	ss. Ciriaco e comp. P. Q.		
	9 S	s. Fermo vesc. m.		
✠	10 D	s. Laurinz diac. m.		Se al plûf a San Laurinz,
	11 L	ss. Tiburzi e Susane mm.		la campagne la vinz.
	12 M	s. Clare v.		
✠	13 M	ss. Ipòlito e Cassiàn mm.		
	14 J	s. Eusèbio - s. Denèl L. P.		San Vicènz la gran criure,
	15 V	Assunzion di M. V.		San Laurinz la gran cialdure,
✠	16 S	s. Roc - s. Gioachin		l'une e l'altre pòc 'a dure.
	17 D	s. Milie		
	18 L	s. Eline imp.		
		Nom de Regine d'Itàlie		
	19 M	s. Giacinto		
	20 M	s. Bernàrt ab. dot.		Cui c'al duar d'Avòst,
	21 J	ss. Donato e comp. mm.		al duar a so cost.
		Patronos di Cividât		
	22 V	ss. Timoteo e comp. U. Q.		
✠	23 S	s. Filip Benizi		
	24 D	s. Bortul Ap.		San Bartolomio - la cisile
	25 L	s. Vico re		(va cun Dio.
	26 M	ss. Ermògene		
	27 M	e Fortunât mm.		
		s. Josèf di Calasanzi		
	28 J	s. Gustin vesc. dot.		
	29 V	Decol. di s. Zuan B.		Ciacarâ senza pensâ
	30 S	s. Rose di Lime L. W.		l'è come trai senza smirà.
✠	31 D	s. Mondo conf.		

## Spïulànt ta strezze

(tìmps di vendeme)

Premi di III. grât al Concòrs di poesie dal 1928.

No vùei viodi plui bambine  
chel vulgùt a lagrimá....  
el soreli nol scìpigne,  
ma l'è fat par soreglá.  
Rît bambine, rît, bacane,  
che tal ridi al sta il segrèt!  
No ingrintáti se la vite  
ti va struce par dispìet!

Jé une vore che m'indani  
e mi disfi strolegànt....  
àjo colpe se no intivi  
nance un cian di cuintrebànt?  
Ulin dí che soi trop brute  
e che i brùz son velegnós....  
vuarès jessi un fil plui biele  
par vé un sbrendul di morós.

Soi nassude scalognade  
senze un straz di camisin....  
s'o vès vùt doi braz di tele  
no varès chist brut destìn.  
Cun dut chel c'o jeri un butul  
mi àn lassade cà implantòn....  
vué za sgrèmbie e carampane  
no soi pome di stagion.

A no merte sfadiási  
senze un fregul di padìn....  
vué si víf, domàn cui sae  
dulà mai là che sarìn!?

Parzè vino d'imbilási?  
par chei quatri?... Nò dabòn!  
Quais si ciapin quan' c'a passin  
e nò diambar co no son.

E se 'l plôf?... Lassìn c'al plovì!  
za l'è instès, co l'è 'l rimpìn:  
'ne ciantose in compagnie  
e une gote di bon vin.

. . . . .

Gurizze

TITE DI SANDRI



# Sefembar

In chest mès il di si scurte di 1 h 35 m		Prin quart il 6	Ultin quart il 22	Pronostics dai nestris viei
		Lune plene il 13	Lune gnove il 28	
✚	1 L	s. Egìdio Abât		Sant' Egidio ti dirà ce colôr che il mès varà.
	2 M	s. Stiefin re		
	3 M	ss. Eufèmie, Dorotee, Tecla e comp. mm.		
	4 J	s. Rosàlie - s. Pelai m.		
	5 V	s. Laurinz Giustinian v.		
	6 S	s. Emidio P. Q.		
	7 D	s. Anastási m. di Aquil.		
	8 L	Nàscite de Madone		
	9 M	s. Gòrgoni m.		Se al plâf a S. Gòrgon
	10 M	s. Nicolò di Tol. c.		Siet montanis e un montanòn.
✚	11 J	ss. Proto e Giacint mm.		
	12 V	ss. Nom di Marie		
	13 S	s. Amât L. P.		Se di joibe il soreli al va tal
	14 D	Esaltaz. de s. Crôs		(sac,
	15 L	s. Nicomede		no ven domènie ca no peti
		Nàscite dal Princip ereditari		(un svuac.
	16 M	ss. Cornèlio e Ciprian		
	17 M	Lis Stîmatis Timp. di s. Francèsc		Ploe di misdi - a dure dut il dì.
	18 J	s. Josèf di Cupertin c.		
	19 V	ss. Genâr e comp. Timp.		
✚	20 S	s. Eustàchi m. Timp. Fieste nazional		
	21 D	s. Matie Ap. Evang.		Lune setembrine
	22 L	s. Tomàs di Vileg. U. Q.		a siet lunis s'inchine.
	23 M	s. Lino pape m.		
	24 M	B. V. de Mercede		
	25 J	s. Pacific		
	26 V	ss. Ciprian e Justine mm.		A San Michèl il marangòn
	27 S	ss. Cosme e Damian mm.		(impie il pavèr
	28 D	s. Venceslao L. G.		e a Sant' Josef lu distude.
	29 L	s. Michèl Arcagnul		A San Michèl vin la montane
	30 M	s. Jaroni		e la cistine in te tamane.

## A Gurizze

---

Tra i pins da' montagnis e 'l vert da' culinis,  
tra i roncs e lis plagnis e i pàmpui da' vignis  
giolt pur, o Gurizze, biel butul d' amôr!  
Di gnot la rosade si cale zidine,  
ti sborfe e cocole, ti busse e sclipigne..  
l' Usinz al grugiule.. la brise va intôr...

La tiare coltade si mude, 'a si svee,  
'a mene e t' infloche, t' inflore e sverzee...  
sol rosis ti bute di duc' i colôrs!  
Tu sês la regine, dai ciamps la morose,  
pardût la nature sfloris senëose..  
rauèz ti regale... massèz di mil flors!

La fuarze d' un popul a' sta ta concòrdie..  
Da bande lis beghis, lassìn la discòrdie,  
la pàs, la bondanze nus ven dal lavór!  
La vuarzine 'a solce, gramole la tiare..  
c' a sedi, o Gurizze, par simpri a nò ciare:  
bessól la taviele dà 'l pan cu 'l sudór!

Nevôz d' Aquileie, da l' Ave romane  
sin razze latine di lenghe furlane..  
Gurizze la Sante no piart la lidris!  
Se 'l zil al mungule la Pàtrie 'a nus pare,  
lis monz a' sflamiin, si s'ciasse la tiare..  
son nestris sti vilis!... l' è nestri 'l païs!

Da roce sdrumade nus rît la bandiere,  
sta salde, 'a no cole, plantade in ta piere,  
nus vegle, o Gurizze, nus ciale e nus dîs:  
« La muart jé passâde tra i sfulmins da uere,  
ma 'l rôl nol si sglove, ma 'l sfide la buere... »  
Svintule, o bandiere, che duc' sin unîz!

Cu 'l sanc c' al spissule lis monz son bagnadis...  
chest sanc c' al glutigne l' è il sanc di tanc' fradis,  
c' a polsin, c' a duarmin tai sterps sanganâz..  
Gurizze redente devote 'a si plee,  
si vise dai fradis e i muarz no smentee..  
Un rëquie c' al vadi... l' Itàlie vei pàs!

Gurizze.

TITE DI SANDRI

# Ofubar

In chest més il di si scurte di 1 h 35 m		Prin quart il 5	Ultin quart il 20	Pronostics dai nestris viei
		Lune plene il 12	Lune gnove il 28	
✠	1 M	s. Remìgio		Co no si pò vendemà si squen contentàsi di ras'cià.
	2 J	ss. Agnui custodis		
	3 V	s. Dionis		
	4 S	s. Francèsc d'Assisi		
	5 D	<i>Il Rosari</i> - s. Placit P. Q.		
	6 L	s. Brunòn		I cops si dan di bevi l'un cu (l'altri.
	7 M	s. Sèrgio pape		
	8 M	s. Brigide ved.		
	9 J	s. Eleuteri m.		Ohel che la joibe l'impromèt, il vinars lu atint.
	10 V	s. Francèsc Bòrgia		
✠	11 S	s. Firmin		
	12 D	s. Serafin	L. P.	
	13 L	s. Edoardo re		
	14 M	s. Calisto p. m.		
	15 M	s. Tarésie v.		
	16 J	s. Gial vesc. ab.		Se a San Gial l'è sut l'istât daür al bruse dut.
	17 V	s. Edvige ved.		
	18 S	s. Luche Ev.		
	19 D	s. Pieri d'Alcantara c.		
	20 L	s. Zuan Cànzio c. U. Q.		Là che il pari al va a meti il fi pice il ciapel. (il claut,
✠	21 M	ss. Ursule e comp. mm.		
	22 M	s. Sevr		
	23 J	s. Severin		
	24 V	s. Rafaèl Arcagnul		
	25 S	ss. Crisante e Dàrie		
	26 D	<i>La Madone di Gràzie</i>		
	27 L	s. Fiorenzo		
	28 M	ss. Simòn e Giude L. N.		San Roc al da la clâf a ogni (pitòc. e San Simòn le torne al (paròn.
	29 M	s. Narciso		
	30 J	b. Benvignude Boiani di Cividât		
	31 V	s. Volfango		



## In viaz durànt da uera.

Oh mé Pàtria, Pàtria ciara,  
cui sa quant c'o tornarai !  
Il Lisùnz e la so aga clara  
cui sa quant c'o viodarai !  
Il me viaz si slungia e slungia;  
plui lontàn voi ogni dì:  
i miei ciars, la me ciasuta  
jài lassàt... Oh ce patí !

Cà nò ciasis, nuia, nuia  
che 'l me cur al viarzarès,  
nò una vòs, una bociuta  
che 'l me cur consolarès.

Una sola gran planura,  
qualchi troi, qualchi arbulùt;  
par uzzei, crovâz che saltin  
sul ledàn: e chist l'è dut.

Cà la int 'a pâr c'a rugni,  
simpri simpri in t'un sberlá,  
ogni tant cuche il soreli,  
ma par pôc, che al s'ciamparà.

L'impression, che dentri 'o provi  
cui pol dí, cui pol pensá ?  
Il me viaz si slungia e slungia:  
fin dulà ?.... ma fin dulà ?

Vegni prest la me zornada  
che la Pàtria 'o viodarai;  
in ché dì i miei fruz, la Nina,  
senza flat 'o bussarai !

Vegni prest la me zornada,  
altrimentri, o disgraziat,  
murarai fra sterps e glèria  
come un cian dismenteat....

*Gurizza*

DOLFO CARRARA

Ze distìn ! Cun tanc' che nassin,  
che si fasin luncs e gruès,  
nance un scriz par mè, puarete,  
che ài za trente e qualchi mès !  
No pretindi di vé un agnul,  
plui par mè nol è il brùt fis:  
ance a un zuet, a un sort, a un gobo  
jo i starès; ma che 'l vignìs !

TUNÌN CIARUTÌN

# Novembar

In chest mès il di di scurte di 1 h 9 m		Prin quart il 3	Ultin quart il 19	Pronostics dai nestris viei
		Lune plene l' 11	Lune gnove il 26	
✠	1 S	<i>Duc' i Sanz</i>		
	2 D	s. Just Patrono di Triest		I muarz o ca justin - o ca (disjustin)
	3 L	Com. dai Muarz P. Q.		
	4 M	s. Carlo Cor. vesc. Fieste nazional		
	5 M	s. Alegri		
	6 J	s. Leonàrt		La vite 'a è come un rigadin, un fil blanc e un turchin.
	7 V	s. Prosdocim		
	8 S	s. Quatri coronâz		
✠	9 D	s. Teodoro m.		
	10 L	s. Andree Avelin		
	11 M	s. Martin Vescul L. P. Natalizi dal Re V. E. III		L'istadele di San Martin dopo tre dis 'a pò vé fin.
	12 M	s. Martin pape		
	13 J	s. Didaco c.		
	14 V	s. Giosafât v. m.		
	15 S	s. Geltrude v.		
	16 D	Dedicazion di dutis lis glesiiis de l'arcid. di Udin		
	17 L	s. Gregori vesc.		Un bon vassèl di vin e une (brave fantate si vendin a ciase.
	18 M	Ded. de Basil. di s. Pieri		
	19 M	s. Bete ved. U. Q.		
	20 J	s. Feliz c.		
	21 V	La Madone de Salût		
	22 S	s. Cecilie v. m.		A Sante Catarine - il frêt al (va in cusine.
	23 D	s. Clemènt a. m.		
	24 L	s. Grisògono m.		
	25 M	s. Catine v. m.		
	26 M	s. Maur m. L. N.		Se a Sant'Andree nol neves spètile par Nadâl, se nò no é maraves di là fur nèz aul.
	27 J	s. Valerian vesc. di Aquil.		
	28 V	s. Grivôr III pape		
✠	29 S	s. Saturnin m.		Ogni robe al so momènt. i raùz ai prins d'avènt.
	30 D	s. Andree - I di Avènt		

## Cumò

Premi di II. grât tal *Concòrs di poesie* dal 1928.

### I.

'A mi plaseva tant di stá sintada  
cussì, duta t'un grun, sui to zenoi;  
sintí 'l cialt da to man ta ciavelada,  
sintí 'l cialt dal to lavri sui mé voi.

Mi pareva cussì di torná fruta,  
e di no vé mai vut nissùn dolór.  
Da gran felizzitât tremavi duta,  
tal sanc sintivi ondadis di calór.

Cumò dut l'è cambiât. Tu ses lat via  
e jo soi sola cà, tra lus e secur.

Mi ciali intôr: muarta la poesia;  
mi dul il ciaf e mi s'inglazza 'l cur.

### II.

Murin un poc in dì, tal vas, li rosis  
e emplin chist mé nit di bon odór.  
Puor nit abandonât e puori rosis  
e puora jo, sola, cussì, cun lor!

Soi cà senza confuart, senza speranza;  
e un poc in dì jo muri di passion....  
come che murin ta me puora stanza  
li rosis che, tal vas, a' nasin bon.

### III.

Il to cialá l'è coma una ciarezza,  
a voltis vif, a voltis delicât,  
o duta fuarza o duta debolezza,  
lus di purezza e ombra di peciât.

Quant che tu mi cialavis cun chel voli,  
jo mi sintivi il sanc in bulimènt.

Dut jo ti davi e mi lassavi cioli,  
plena di glòria e plena di tormènt.

Cumò dut l'è finît. Dibànt ti clami,  
plena di frêt e plena di passion.

Ma co m'impensi di chel to cialámi,  
mi sint cori pa vita un sgrisulòn.

Jo.

(L'Autór nol à volût palesási).




# VIN 'NE SOLE PRIMEVERE

— POESIE —  
di TITE COLLORIG

— MÙSICHE —  
di EZIO STABILE

Prin premi tal Concòrs MORO di Vilotis

Codroip, 10 di Giugn 1923



STROLIC FURLAN

1924

## Vîn 'ne sole primevere

---

Zornait pur, che 'l timp al passe;  
no stait fregul zavariá:  
fin c'a us rîf la primevere  
vês resòn di mateá.

Co lis fueis planc planc a' colin  
tròs ramàz no stan plui drèz...  
Jé passade la ligrie;  
no ven vòe di matèz.

Ven l'unviar! Cul sclip ta boce  
si pîule ingrisignîz...  
'A no torne primevere!...  
Sîn za viei e imbambinîz.

Sù... zornait frutàz, frutatis,  
che 'l stravînt al ven tant prest!  
Vîn 'ne sole primevere,  
e ance ché la vîn d'imprèst!

# Dicembar

In chest mès il di si scurte fin al 21 di 14 m po si slunge 14 m		Prin quart il 3 Lune plene l' 11	Ultin quart il 19 Lune gnove il 26	Pronostics dai nestrìs viei
✠	1	L	s. Candit	Dicembar al ciól, ma nol (torne)
	2	M	s. Cromazi vesc.	
	3	M	s. Francèsc Savèrio P. Q.	
	4	J	s. Bàrbare v. m.	
	5	V	s. Sabe ab.	
	6	S	s. Nicolò V.	
	7	D	s. Ambròs vesc. dot. II di Avènt	
	8	L	<i>Imacolade Concezion</i>	
	9	M	s. Siro	
	10	M	Madone di Lorèt	
	11	J	s. Damàs pape L. P.	
	12	V	s. Valeri ab.	
	13	S	s. Lùzie v. m.	
	14	D	s. Spiridion vesc. III di Avènt	
✠	15	L	s. Màssimo	Sante Lùzie - il frèt al cùzie.
	16	M	s. Eusèbio vesc. m.	
	17	M	s. Lazar risussitât <i>Timp.</i>	
	18	J	s. Desideri	
	19	V	s. Sabine <i>Timp. U. Q.</i>	
	20	S	s. Zuan Marinòn <i>Timp.</i>	
	21	D	s. Tomàs Ap. IV di Avènt	
	22	L	s. Demètrio	
	23	M	s. Vitòrie	
	24	M	s. Adele · s. Irme v.	
	25	J	<i>Nadàl</i>	
	26	V	s. Stiefin prin mart. L. M.	
	27	S	s. Zuan Evangeliste	
	28	D	ss. Nozènz	
✠	29	L	s. Tomàs vesc. m.	Vert a Nadàl - blanca Pasche; vert a Pasche - blanca Nadàl.
	30	M	s. Anastàsie m.	
	31	M	s. Silvestri pape	



## Bidin.

Premi di III. grât al Concòrs di poesie dal 1923.

*La mame malade, il parì lontàn:  
Bidìn e Bidine che muerin di fan.  
Jé ueide la ciase, l'è net il granàr,  
ne fuc sot la nape ne pan tal armàr.  
Bidìn e Bidine si cialin tai voi,  
si sfuarzin di ridi, ma vain ducidoi.  
— Bidine, ze stino a cialási e vai?  
Nissùn no nus jude, nus toce murì.  
Sta atente a la mame: jo voi in païs.  
Bisugne judási fintànt che si é vís. —*

*Jé lunge la strade, 'l païs l'è lontàn  
Bidìn al spessee, lu puarte la fan.  
'E cole zidine zidine la nêf.  
Ze bieie e ze buine: si mange e si bêf.  
Al ciape une grampe Bidìn e la met  
in boce e al va vie a salz di cavrèt.  
Jé lunge la strade, 'l païs l'è lontàn.  
La nêf inglazzade ven jù daurmàn.  
I trois no si viodin, il pàs no si sint,  
tes ciasis ben cialdis si siere la int.  
Bidìn al va vie ansànt e sfladànt,  
Ze lunge la strade, 'l païs ze distànt!*

*La sporte jé sglonfe, Bidìn l'è contènt.  
I pese une vore, ma lui al ten strent.  
'E cole zidine la nêf e cuviarz  
il prât la campagne, la ciase e 'l bearz.  
Bidìn al spessee, ma 'l pàs al è rar:  
la gnot jé vizine e 'l zil nol è clar.  
La strade jé lunge, la ciase lontàn.  
Bidìn, lis tôs giambis pì fuarze no àn.  
Al sflade, al pessee, al clame 'l Signòr:  
un' ànime vive no jé culà intòr.  
Al pense a Bidine che à fan e che à trèt.  
Bidìn l' à coragio, Bidìn 'a not zèt.  
La nêf jé za alte, si stente a fà 'l pàs:  
Bidìn, lis tôs giambis van simpri pì in bàs.  
Al pense a la mame malade tel jet;  
al ciape coragio e al marce pì dret.  
Ciamine e ciamine.... Bidìn nol pò pluì.  
I cole la sporte e al cole ance lui.*

T' un bot al si jeve. Doi pàs vie di là  
al cole, al si jeve e al torne a colà.  
— O mame, o Bidine! — al clame Bidìn.  
Si piart pe campagne la vòs dal frutìn.  
Al vai, al sospire, al clame 'l Signór.  
Cui scóltie, cui sintie ché vòs di dolór?  
La nêf jé une scune, il cuscìn nol è dur;  
ma cui c' al va drenti, nol salte plui fur.  
Bidìn al si poe.... ze voe di durmì!  
— La mame... Bidine... e' ridìn... cussì... —

Il fuc al sclopete, la flame<sup>\* \* \*</sup> va in alt.  
La fan jé finide, in ciase al è cialt.  
Ma ciale! Cui èntrie pe puarte culà?  
Son àgnui, tanc' àgnui, s'ai sint a ciantá!  
La ciase si starge, si alze il cuviart...  
i murs e' sparissin, il zil al è viart.  
E i àgnui in s'ciale van sù fin in zil,  
e ciantin lis gloris e son plui di mil.  
Bidìn e Bidine, tignìnsi pe man,  
van sù par ché s'ciale, van sù daurmàn.  
— Oh büssimì, mame.... Bidine, ance tu... —  
E' ciantin i àgnui.... oh simpri pì in sù...  
Oh mame, oh Bidine, spietaiso Bidìn?  
Spietait mo c'al polsi chel pùar pitinìn.  
La nêf jé une scune, 'l cuscìn nol è dur;  
ma cui c' al va dentri nol salte plui fur.  
'E cole zidine la nêf e al è tart....  
Bidìn su la strade, te nêf, al è muart.

GIOVANÌN LORENZÒN

## Unviar.

Al ven un àiar frêt da la montagne  
che inglasse il sanc e al va ciolint il flât;  
il cil l'è cenerin e la campagne  
'e polse sot la nêf. Il pùar famât,  
senze un colp di lavór al si sparagne  
la panze pe misèrie dal istât;  
e il sior, gioldint la sòlite cucagne,  
donge il fuc o in cafè sta distiràt.  
Tradìt dal gran, al lasse l' ucelùt  
lis sgrifis te palizze o tal archèt;  
al sta clucìt il gial t' un ciantonùt;  
il giat al cor cul pèl rizzât sul tet,  
e sbrendolòs, al vint de strade, un frut  
batìnt i dinc' al sune l' organèt. PIERI PIAN

## Zaneto

Pŭar Zaneto!  
in vite mai  
no crôt c'al vedi  
vût un momènt  
di ben, di pàs.  
Vie pal mont,  
nome misèrie  
e malatiis.  
Po la campagne,  
il sut, il frèt,  
o la tempieste,  
o lis fumatis,  
farcis e surîs.  
In te famee  
simpri questions  
e di ogni fate.  
E dopo vé  
fruzzât la vite  
in tal lavôr  
par sparagnâ  
quatri centesins  
e spotecâ  
la so ciasute,  
si ere ridôt  
vecio, rabiôs,  
plet sul bastôn,  
sol come un cian.  
I siei di ciase  
altri ce fá  
vevin pal ciâf  
che pensâ a lui.  
Qualchi nevôt  
plui pitinìn  
al matêave  
o cul pantân  
o cui curûbui  
donge di lui.  
Dopo tant timp  
che sbolsëânt  
si striscinave  
atôr de ciase,  
sot il so puartic,  
o pur sul clap

dal so portôn  
par tirâ flât,  
ché altre zornade  
a' lu ciatarin  
frèt tal so iet.

\* \* \*

Quatri ciuladis,  
quatri comènz;  
apene in sfese  
il so balcôn;  
un luminût  
sul so scabèl.  
A bàs te ciase  
la int in vegle  
'a pree bevint  
par parâ vie  
chel gran dolôr.  
Duc' disin ben  
nissùn nol vai.

\* \* \*

Tal indomàn  
quatri breatis  
nance splanadis,  
metudis donge,  
incoloridis  
jù a la svelte,  
sierin ché vite  
tant tormentade.  
Cun t'une crôs  
e doi ferai  
in presse in presse  
al ven puartât  
tal cimiteri,  
parcè il plevàn  
l'ere invidât  
a funzionâ  
in t'un paîs  
alì vicin.  
Il muini e un'altri  
cantôr stonât,  
cun ché premure,



apene apene  
tiravin flât.  
Daûr la casse  
si striscinavin  
i siei nevôz,  
qualchi veciute,  
qualchi vedrane...  
E po un rèquiem,  
un pugn di tiere,  
e par chel omp  
dut l'è finît.

\* \* \*

A ciase intânt  
gran pulizie,

gran cambiamènz,  
e lis cugnadis  
e la madone,  
rugnânt, vosânt  
par chest, par chel,  
'e quistionàvin  
'e barufavin  
fasint i conz  
za di dividi  
ché poce robe  
che chel pùar omp  
cun tantis strussis,  
cun tanc' sudórs  
veve ingrumât,  
chel pùar biât!

PIERI SOMEDE DAI MARCS

## Pùer san Pieri, i toce simpri brute !

Une volte 'l Signór al si met a pridiciâ a di un grun di înt. Al ti fevele e duc' ti lu stan a sintî cun tant di vuarelis; al ti fevele dal ben che in chist mont si dovi vè un par l' altri.

— Oh ! — al dîs fra di sè san Pieri — chisti robis, chisti robis 'a dovarès sintî la me fèmine. Chê canae, parzè che mi plâs di bevi, parzè che mi plâs di ciantâ lafalulele, 'a mi dîs dî dut, 'a mi dîs ! Oh, spiete mo ! Ben pensade !

E po al dîs a fuart :

— Signór, Signór, fasemit un plasê !

E 'l Signór lu ciale fis tai voi, al capîs subite ze che san Pieri al pense.

— Po sî, sî, Pieri, dîs fur tu ze che t' ûs vè !

— Signór, us prei, vait indenânt ancemò par un dis minûz cun chiste prèdice, us prei.

— Sî, sî Pieri.

E san Pieri a quatri e vie lui a ciase so.

Sot di un morâr di fuee al ti ciate la so fèmine che ti guce. Je, 'pene che ti lu viot, 'a sî tache a sberlà come une giae :

— Ah, canae, canae, dulà èristu a sdrondenòn fin cumò, ah ? Mai pensâ a la famee, tu, mai un momènt a ciase to, tu, simpri atòr a torzeòn come un che 'l jà l'ànime danade !...

— Tâs tu, ninine, ze ise chist roseâmi simpri ! ? Orpo dal cian vert ! Tontone tant che t' ûs, tu ; ven cun mè mo e tu sintaràs el Signór ze che 'l dîs !

— Si jo, plui che voluntîr, ciale mo!

'A ti met jù i ociai, tache in bande la guce, si seste un pôc el gurmâl e vie je daùr di san Pieri murmuiànt, che si capìs:

— Sintarìn ance chiste! sintarìn!

E 'l Signór l'è ancemò che 'l ti pridice. Come un fantàt di vine' ain san Pieri al ti saltuzze di gust pa strade.

— Oh! sarès ben ore che chiste femenate a finissi di dîmi di chês peraulâtis; e la metarà zà a puest ben el Signór cumò! Ah, chel Signór benedèt che 'l val tant aur che 'l pese!

E a fuarze di comedóns e di pocadis al ti rive propi donge 'l Signór. Lui al vualme san Pieri e daùr di chel la so fêmine, e cun t' une vôs plui fuarte ancemò che lu sin tin ben ben duc' quanc' al dîs:

— Jé vere, a' son tanc' di chei umin che no fasin ze che dovaressin fâ: simpri vie di ciase, simpri pa ostariis, e lassin solis li pûeris fêminis che si strussin e che vain di displasê. Fêminis - e disint cussì al ti ciale propi fisse la fêmine di San Pieri - fêminis, vualtris chise' umin dovês coréziu, dovês insegnâgi e fâ dal ben, a atindi....

— Vonde, vonde, Signór, pa l'amôr di Diu! - al si met a sberlâ san Pieri - cumò sì che sôl frit, cumò ve - e cu' li mans al gi tapone li vuarelis a la so fêmine e imburit come une saete la ciape traviars da vite e di pês la puarte vie!

Chê int podês crodi e ze bacanâ!

— Ah! jàstu sintût, jàstu sintût, ah! ? - 'a scomenze la fêmine di san Pieri 'pene rivâz a ciase - Ze ti pàrie? al mi àe dât mo resòn?

— Eh! magari cussì nò; ma sint mo, el Signór and à une vore di buinis, ma qualchi volte....

— Ustu tasê di dî chistî eresiis, vami fur dai voi!....

E dut rabiât san Pieri al ti torne là dal Signór.

— Signór, Signór, 'a vês fat un biel afâr cun chê vuestre prèdice....

— Ah, Pieri, Pieri, no tu sas tu parzè che jài fat cussì. Jài fat apueste par insegnâti. Tu dovìs savè che prime no si devi vè magagnis 'tor da piel e che dopo 'pene a si pôl criticâ i difiez di chei altris. Tu cumò dovente plui bon e ti siguri che la to fêmine no ti cridarà plui. Tu sês colpe bessòl se ti cride, jàstu capît?

San Pieri, capide resòn, mol mol, al sbasse 'l ciâf e nance chiste volte nol jà pudût fâ valê la so.

# MARCIAZ GRANC' E PIZZUI

di dut il Friul pal 1924

(cul numar dai abitànz par ogni Comune)

---

*Aièl* (ab. 1639) — S. Carlo, 4 di nov.: duc' i genars.

La III sàbide di ogni mès: nemai.

*Amàr* (ab. 1444) — S. Valantìn, 14 di fev.: duc' i genars.

*Ampiez* (ab. 2769) — Il 9 di set. (se jé fieste il dì dopo):  
nemai e marcenziis.

*Aquilee* (ab. 2997) — Il lunis de setemane sante; — S. Ermàcore, 12 di lui; — il lunis prime di Nadàl: duc' i genars.

*Arte* (ab. 3622) — La Madone de Salût, 21 di nov. e S. Lùzie, 13 di decembar: nemai e duc' i genars.

*Artigne* (ab. 4605) — Il II lunis di ogni mès.

*Àtimis* (ab. 4326) — Il 30 di nov.: marcenziis e barachis.

*Azzàn* (ab. 10949) — Duc' i lunis: nemai, ciavai, mùs, marcenziis, purciz, panine. Il 22 di nov. a Tiez: nemai e marcenziis.

*Bergogna* (ab. 1100) — La prime joibe di avrìl e di otubar.

*Bertiùl* (ab. 3849) — S. Martìn, 10 e 11 di nov.: nemai, purciz, polèz, pomis, marcenziis.

*Brugnere* (ab. 5758) — A Maròn, il lunis dopo la I domènie di lui e il lunis dopo la I domènie di otubar: nemai, ciavai, etc.

*Budòe* (ab. 4374) — La I domènie di set.: pioris, ciavris, etc. duc' i lunis marcenziis.

*Buie* (ab. 11379) — S. Ermàcore, 12 e 13 di lui; — il IV lunis di ot.

Il IV lunis di ogni mès: nemai; — duc' i lunis: grans e marcenziis.

*Cervignàn* (ab. 3450) — Il I lunis dopo S. Martìn (11 di nov.).  
— Dutis lis joibis: grans e marcenziis; ogni I joibe dal mès ance nemai.

*Ciasarse* (ab. 6241) — Il II miarcus di ogni mès: nemai.

*Cions* (ab. 5339) — A Vilute, il lunis dopo la II domènie di otubar.



- Cividât* — (ab. 11544) — 25 di lui; — 29 di setembar e 11 di novembar (S. Martin).  
La joibe e la sàbide di ogni setemane: grans, pioris, purciz, marcanziis; — la II e l'ultime sàbide di ogni mès: nemai; — l'ultime sàbide ance ciavai.
- Clauzêt* (ab. 3125) — S. Valantìn, 14 di fev.; — la I domènie dopo la Sense; — la I domènie di lui; — la I domènie di ot.  
Dutis lis domenis e lis fiestis plui grandis: formadi, panine, marcanziis.
- Codroip* (ab. 7951) — S. Simòn, 27 e 28 di ot.: nemai, ciavai, mùs, e ogni genar.  
Il I e il III martars di ogni mès: nemai, ciavai, mùs, pioris, purciz, polèz, cunìns, pomis, marcanziis; i altris martars di ogni mès grans, panine, marcanziis.
- Comeglians* (ab. 1948) — Il prin dal an; — S. Nicolò, il 6 di decembar e l'ultin di otubar.
- Cordovât* (ab. 2699) — S. Josèf (20 di marz) e Madone di setembar (9 di set.); — S. Michèl, 29 di set.: nemai, marcanziis, etc.
- Cormóns* (ab. 6439) — Il dì dopo S. Zuan (24 di giugn); — il lunis dopo la I domènie di set. (perdòn de Cinture).  
Miarcus e vinars di ogni setemane: pioris, grans, marcanziis; — il I lunis di ogni mès; nemai, purciz, etc.
- Dogne* (ab. 1542) — S. Laurinz, 10 di avost: marcanziis.
- Duìn* (ab. 620) — S. Zuan, 24 di giugn: ciavai.
- Enemónz* (ab. 2331) — Il I lunis di otubar.
- Feagne* (ab. 6507) — Il II martars e la IV joibe di ogni mès: nemai, purciz, etc.
- Flaibàn* (ab. 2239) — Viodi: S. Durì.
- Fors Avoltri* (ab. 1601) — Il 27 di ot.: nemai, ciavai, pioris, ciavris, etc.
- Fors di sore* (ab. 2145) — Il 21 di nov.: nemai, panine e marcanziis.
- Fors di sot* (ab. 1908) — La joibe dopo la III domènie di ot.
- Glemone* (ab. 12322) — S. Blàs, 3 di fev., e ai Sanz, 2 di nov.: nemai, etc.; — S. Antoni 13 di giugn: marcanziis.  
Il I vinars di ogni mès, e la IV sàbide di due' i mès da nov. fin a marz: nemai, etc.; — dutis lis domenis: marcanziis.
- Gradis'ce sul Isùnz* (ab. 4800) — S. Bastian, 20 di zen.: nemai, etc.  
Ogni martars e sàbide: pomis, semenziis, grans, foràgios; — ogni II martars dal mès: nemai, grans, panine, imprès'c di contadin, etc.

- GURIZZE** (ab. 34000) — S. Ilari, par 8 dîs dal 16 di marz;  
— S. Bartolomio, par 15 dîs dal 24 di avòst; — San  
Michél, par 8 dîs dal lunis dopo il 29 di set., o dal  
lunis istès se la fieste 'e cole di lunis; — S. Andree,  
par 15 dîs dal lunis dopo il 30 di nov., o dal lunis  
istès se la fieste 'e cole di lunis.  
Duc' i lunis, lis joibis e lis sàbidis: marcanziis; —  
ogni II e ùltime joibe, o il dì dopo se jé fieste: nemai.
- Latisane** (ab. 7134) — Il dì dopo S. Zuan (24 di giugn); —  
S. Jacum, 25 di lui; — S. Bartolomio (24 di av.) — S.  
Matie, 21 di set.; — S. Martin 11 di nov.  
Ogni miarcus: grans, panine, marcanziis; — il I e il  
III miarcus di ogni mès: nemai, ciavai, pioris, etc.
- Maiàn** (ab. 9402) — La IV sabide di ogni mès: nemai e ciavai.
- Manià** (ab. 6748) — Il lunis sant, marciât dal ulif; — il  
lunis plui tacât a S. Jacum (25 di lui) e a S. Maur  
(21 di nov.).  
Ogni lunis: grans, purciz e marcanziis.
- Manzàn** (ab. 3983) — S. Pieri, 29 di giugn, marciât a Ro-  
sazzis di zuiàtui.
- Maràn** (ab. 1657) — Ogni dì marciât dal pès; — ogni lu-  
nis: verduris, pomis, etc.
- Martignà** (ab. 5021) — L'ultin martars di ogni mès: nemai.
- Medùn** (ab. 4483) — Ogni domènie: panine, verduris, mar-  
canziis.
- Medùn di Livenze** (ab. 3055) — Il IV lunis di fev.; il IV  
vinars di ot.: nemai, purciz e marcanziis.
- Migee** (ab. 1200) — S. Antoni, 13 di giugn.
- Monfalcòn** (ab. 11862) — S. Antoni, 13 di giugn; — S. Ni-  
colò, 6 di dec.: zuiàtui, bombóns, etc.  
Ogni III miarcus dal mès: panine, marcanziis.
- Montespìn (Dornberg)** (ab. 2500) — Ai 15 di set. marciât  
grant.
- Morsàn sul Taiamènt** (ab. 4661) — I lunis di marz, I lu-  
nis di setembar e 16 di avòst.
- Morteàn** (ab. 5504) — S. Pauli, 25 di zenàr.  
Duc' i miarcus: polèz, verduris, marcanziis; — il II  
e ultin miarcus dal mès: nemai, ciavai, pioris, etc.
- Muez** (ab. 4711) — S. Josèf, 19 di marz; — Madone de Sa-  
lût, 21 di nov.
- Nabresine** (ab. 2230) — Il 5 di avril; — il 17 di set.; — il  
27 di ot.
- Nimis** (ab. 6251) — Madone di set., 8 di set.  
Il II lunis di ogni mès: nemai, marcanziis.

- Osôf* (ab. 3455) — Il I lunis di lui; — l'ultin lunis di ot.  
Il III lunis di ogni mès: marcanziis.
- Ovâr* (ab. 3753) — Il II lunis di ot., e S. Martin, 11 e 12 di nov.: nemai e marcanziis.
- Palme* (ab. 5246) — Il lunis denànt dal Redentôr, in lui; — duc' i lunis di ot. fûr dal I (S. Justine); — il lunis denànt di Nadâl.  
Il II e IV lunis di ogni mès: nemai; — duc' i lunis e i vinars marciât di plazze (ance nemai).
- Paluzze* (ab. 4606) — Il IV lunis di marz, set. e nov.; — il IV martars di mai e di ot.; — S. Jacun, 25 di lui; — S. Ane, 26 di lui; — la I domènie di set.: sagre di plazze.
- Pasian di Pordenòn* (ab. 9382) — A Riverote l'ultim lunis di set. — A Pasian e a Cechîns il II martars di fevr.
- Pasian Sclavonès'c (Basilian)* (ab. 6532) — Il 30 di nov.: marciât di S. Andree.  
Il III lunis di ogni mès.
- Paulâr* (ab. 3677) — S. Vît, 15 di giugn; — il 8 di nov.
- Pavie in Percût* (ab. 5520) — La villie di S. Josèf, 18 di marz.  
Il I miarcus e III vinars di ogni mès.
- Polcenigo* (ab. 6747) — La I domènie di set.: marciât dai zeis.
- Pontebe* (ab. 3119) — S. Josèf, 19 di marz; — Madone di set., 8, 9, 10 di set.: nemai, mercanziis.
- Pontefele* (ab. 629) — Madone di set.: come a Pontebe: nemai, feramente, imprès'c di cusine, mercanziis.
- Pordenòn* (ab. 20119) — Dutis lis sàbidis: nemai, purciz, panine, marcanziis.
- Postùmie* (ab. 4650) — Il 24 di avòst; — il 18 di ot.; — il 3 di dec.  
Ogni prin di mès.
- Prate di Pordenòn* (ab. 5523) — L'ultim martars di fev. e il II martars di ot.
- Pravisdòmini* (ab. 3304) — Ultin lunis di fev. e di set.: penultin vinars di set.
- Puzzui* (ab. 5876) — S. Andree, 30 di nov.  
Il III miarcus di ogni mès: nemai.
- Quische* (ab. 7000) — S. Zorz, 24 di avril; — S. Luche, 18 di ot.
- Racolane* (ab. 1569) — S. Pieri e S. Pauli.
- Ravasciêt* (ab. 1802) — Marciât di S. Spirit, il lunis dopo lis Pentecuestis.
- Résie* (ab. 3698) — Prin di mai; — Madone d'avòst: ciavris, pioris, marcanziis; — nltime domènie di ot.
- Resiute* (ab. 1015) — S. Martin, 11 e 12 di nov.: marciât di plazze.



*Rivignàn* (ab. 5014) — Ai Sanz, 2 e 3 di nov.

Duc' i lunis e lis joibis: polèz, grans, marcanziis; — il III lunis dal mès ance nemai.

*Romàns* (ab. 2230) — S. Bete, 19 di nov.: nemai; — il IV martars di ogni mès: nemai.

Il IV lunis di ogni mès: nemai e purcèz.

*Sacil* (ab. 9850) — S. Laurinz, 10 di avòst: marciât di ucej e di argains par oselâ.

Ogni joibe: nemai, grans, marcanziis.

*Selùse* (ab. 1545) — S. Valantin, 14 di fevr.: nemai, marcanziis; S. Bartolomio, 24 di av.: marcanziis; — S. Michèl, 29 di set.: nemai, formadi, marcanziis.

*S. Crôs di Aidùssine* (ab. 1294) — 5 di fevr.; — Il lunis dopo il Corpus Dòmini; — il 14 di set. e il 5 di nov.

*S. Denél* (ab. 8012) — Il vinars sant.

Il III miarcus di ogni mès: nemai; — due' i miarcus; grans, panine, marcanziis.

*S. Durì-Flaibàn* (ab. 2239) — A Flaibàn, la II joibe di ogni mès: nemai.

*S. Pieri al Nadisòn* (ab. 3549) — Il 29 di giugn, S. Pieri.

*S. Pieri sul Isùnz* (ab. 1603) — S. Pieri, 29 di giugn: impres'c di contadin, panine, marcanziis, zuiâtui, etc.

*Sante Lùzie di Tolmìn* (ab. 3800) — S. Valantin, 14 di fevr.: — la domènie dopo di S. Jacum (25 di lui); — la domènie dopo di S. Simòn (28 di ot.); — S. Lùzie, 13 di dec.: in due' panine, imprès'c di contadin, marcanziis.

*S. Vît al Taiamènt* (ab. 12513) — S. Nicolò, 6 dicemb.; — S. Antoni, 13 di giugn.

Duc' i vinars: panine, marcanziis, etc.; — il I vinars di ogni mès: nemai e purcèz.

*S. Zorz de Richinvelde* (ab. 5681) — Il I miarcus dal mès: nemai.

*S. Zorz di Noiâr* (ab. 6329) — Il 4 di ot.: nemai.

Ogni domènie: scarpis, marcanziis, verduris, etc.; — ogni lunis: grans; — il I lunis dal mès: nemai.

*S. Zuan di Manzàn* (ab. 3190) — La I sàbide di ogni mès: nemai e purcèz.

*Sequals* (ab. 4219) — Duc' i lunis dal mès.

*Sest al Règhene* (ab. 7184) — Il II lunis di marz; — 13 di set.; — il IV lunis di otubar: in due', nemai.

*Soelêf* (ab. 2701) — S. Marc, 25 di avril; — l'ùltime sàbide di otubar.

*Spilimbèrc* (ab. 9574) — S. Ròc, 16 di avòst; — e Madone dal Rosari.

Ogni sàbide: marcanziais; — ogni martars di marz, avrìl e mai: marciât grant; — il I lunis e il III martars di ogni mès, mancùl i mès di marz, avrìl e mai: marciât grant.

*Talmassóns* (ab. 5023) — Il lunis dopo la III domènie di novembar: nemai, purciz, polèz, marcanziais, a Flambri.

*Tarcint* (ab. 6855) — S. Pieri, 29 di giugn; — il vinars sant; — il S.S. Rosari.

Ogni lunis, miarcus, vinars e domènie: marcanziais, pomis, etc.; — il III lunis di ogni mès: nemai.

*Travès*. (ab. 2438) — S. Pieri. 29 di giugn; — I domènie di ot.: nemai.

Dutis lis joibis: grans.

*Tresesin* (ab. 6271) — Marciât dai ucei in setembar.

Il I lunis e III martars dal mès: nemai, ciavai, purciz, pioris, etc.

*Tulmiez* (ab. 7259) — Il lunis dopo i Sanz e il I lunis di marz: nemai e ogni genar.

Ogni lunis: nemai.

*Tulmin* (ab. 1000) — La domènie dopo il Corpus Dòmini.

*Turiac* (ab. 1608) Il 8 e 9 di dec.: marcanziais.

Il I lunis di ogni mès: nemai, purciz, grans, marcanziais.

*UDIN* (popolazion efetive abitanz 56039) — S. Antoni, 17 e 18 di zen.; — S. Valantin, 14 e 15 di fev.; — S. Zorz, 23 e 24 di avrìl; — S. Laurinz, 10 e 11 di avèst; — il III vinars di set.; — S. Catarine, 25, 26, 27 di nov. Duc' e' son marciâz di nemai; ma a S. Zorz ance gran marciât di ciavai; e il III vinars di setembar marciât e concòrs di tauris.

Ogni martars, joibe e sàbide: grans; — la I e la' III joibe e vinars di ogni mès: nemai e ciavai; — ogni joibe: purciz, pioris, etc.

*Valvasòn* (ab. 3139) — Il IV lunis di ogni mès: nemai, purciz, marcanziais.

*Venzòn* (ab. 4544) — S. Andree, 30 di nov.; — S. Lùzie, 13 dic.

*Vile Santine* (ab. 1793) — Il II lunis di avrìl; il lunis dopo la III domènie di ot.: nemai, purciz e ogni genar.

*Vipau* (ab. 1428) — Ai 20 di ogni mès: ciavai, nemai, purciz, marcanziais.

*Vit d'Àsio* (ab. 3975) — A Ciasiât, il IV lunis di marz, avrìl, ot. e nov.: nemai e ogni genar.



## S. Piere al vòul dirige la stagion

Quan' che al nostre Signour e san Piere i faseva viaz insieme, i sintiva, par strada, ogni sorta de lagnanze da part dei contadins.

Un contadin al diseva che la plovera 'a no ven mai; un altre invece ch' al era massa ùmet; un al sostegniva che la stagion 'a era massa indenant; altris, al contrariu, ch' a era trop indavours; qualchedùn al aveva la fota cu' la brosa; tanc' i bestemava cu' la tampiesta.... insoma nissùn al era contènt.

Sintint acussì, san Piere 'a se volta verso al Signour e 'a ge dis: — Signour, decideise.... e mandàge una buna anada, ch' i tuole sù de düt dai ciamps, e che dopo i cesse una buna volta da lamentase!

E al nostre Signour al à pensà sù un puoc, e dopo a ge rispùnt a san Piere: — Ben, Piere, fasèn cussì: chist an mènela tu la stagion e procura almanco tu da contentà chista zent che sempre a se lagna de mè!

E da chel moment san Piere al tuolè sù lui le rèdene de la stagion, e al scuminzà a mandàge sorele de dè, plovera de not; al meis de marz sùt; chel de avril, bagnà; temperà al meis de mai; in modo che le robe de la campagna i ziva indenant a gonfiavèle....!

Mai 'a se aveva vedù prima de chel an tanta roba sui frutars, in dai orz, pa' chi praz e zardins e dai ciamps. Duz i era four de sè da la contentezza.

Quan' che finalmente al vignè l'autùn, e i contadins i scuminzà a fá la sòleta raccolta, cun so granda marivea e desplasei però i ciatava la roba duta mal madura e no riuscida.

Le càchele e le nole i era vane; i mei i era flaps, secs, senza savour; i così dei fasoi i no aveva nua dentre: i aveva nome la scussa; le patate i aveva nome la erba par defour e nua sot la ciera: le spighe dal formènt i era grosse ma quoite; ma ce c' al era pesu de dut al era che la blava, cioè al sore, 'a nòl aveva nua intòr al muzzel: nome qualche gragnèl cà e là, in modo c' a nòl valeva gnancia la pena da tuoilu sù dal ciamp!

Imaginàse ce ch' i diseva i contadins a ciatà una roba simile! Imaginàse ce lamènz e ce imprecazioms a ode cussì! Se mai i se son lagnàz, i se son lagnàz prope chel an!

Alora al Signour, sintint acussì, 'a se volta verso san Piere e 'a ge dis: — Sinteta, Piere, ce ch' i urla la pora



zent? A me pâr che i se lagna pesu che nò in altre anade, quanche dirigeve gio! Segno al è che no tu l'â menada gnancia tu massa pulit, la stagion! Ce mout ese stada.....? spieghete, Piere!

— E sî, — al rispùnt san Piere, — ge ài mandà sempre dut ce ch'al ocuor: sorele, plova, rosada, e no ge ài lassà ode mai ne brosa ne tampiesta; insoma 'a me pâr da no avêge lassà manciâ nua! No lu capis gnan' gio ce è al pò esse sta!

— E ària, Piere, gi 'nd' àsta mai mandada?

— Nò mo, Signour! me soi prope.... desmintiâ, coma un farlòc, da mandâge l'ària! No sai ce mo c'a pò esse stada, ma a no me à mai vignù in menz da mandâge ancia chista. Soi zù prope in oca!

— Ota mo, Piere, ce mo c'al sucét! Al semèa fâcile contentâ la zent..., invece 'a è la robe pì difficile c'al posse esse! Tant 'a è vera che, malgrado la to buna intenzion, no tu giu à contentâz gnancia tu, Piere!

— E gnancia, Signour, no me intrigarai pì cui conta-dîns — al rispùnt san Piere — Rangîase Vó cun lour... che gio ind ài sintude abastanza chist an....!!

Barce, ugn 1923.

GIUSEPPE MALATTIA DELLA VALLATA

## Guai s' a te pes'cia!

Tuli - tulò - tulà - tuli - lalele....

In Barce al è nome bulzete biele;

Bulzete biele and è da la Molassa,

Ch'i fan inamorâ duz chi ch'i passa;

And è sulla Pezzeda, and è in Pentina:

Insoma and è par dùt in Valcelina.

Oh mare, oh pare! lassâme che tuole

Chel che vuoi gio! 'a m'â gia trat.... al vuole!

E 'a me à trat un vuole cussì biel,

C'a no 'nd è al mont un altre coma chiel.

L'aga dal Frassin dal Piz 'a ven four:

L'amour al nâs dai vuoe.... ma al ciapa al cour!

E l'aga dal Busèt a è sempre fres'cia:

L'amour al nâs par dùt.... guai s' a te pes'cia!

Barce, Avril 1923.

GIUSEPPE MALATTIA DELLA VALLATA

## Il puint dal Cormór

su la strade di Napoleon, donge Udin (1)

---

Alt su lis spalis sòlidis tu stavis,  
o biel puint dal Cormór  
che il prin Napoleon tu ricuardavis  
e il so gènio e il splendór...

Fum che si sfante, ance la fuarze!... Lui  
de fortune puartât  
tant ad alt che nissùn rivarà plui,  
de fortune sdrumât,

cussì c'al mûr lontanòn, presonîr,  
sol, come un cian rabiôs,  
Lui, che tremá al faseve il mont intîr  
dome cialânt ledrôs...

Dut al finîs, o puint! Jo mi ricuardi:  
ce cori, ce saltá,  
co vignivin cà intôr la scuele a piardi!  
Ucadis, bacaná,

vosá te grave, sot di tè, vilotis,  
che il volt al rimbombave,  
e scorsoná e scuindisi tes grotis,  
in tal formènt, te blave...

Dut finîs, dut finîs!... Ce tanc' c'o vin  
cà gioldût la ligrie,  
che son sotiare, là che duc' larin  
a fâsi companie!

Ma un tradimènt fo la to muart, o puint:  
cent agns; — po, t'une gnot,  
gnot di sglavîns e tons e urlá di vint,  
il Cormór al t'inglòt,

fat a bocóns. Ma no s'inglòt la stòrie  
di ce che tu às viodût  
di ben, di mal, di bassezzis, di glòrie  
t'un secul: un minût!

MENI MUSE

---

(1) Sdrumât da une gran montane in setembar dal 1920.

# SAGRIS DI DUT IL FRIUL

(Cun fieste di bal: **b**; tòmbule: **t**; cucagne **c**; altris divertimènz: **d**)

## ZENAR

1. *Circoncision dal Signôr* — Cose (San' Zorz de Richinvelde) (b) — Merèt di Tombe — S. Zorz di Résie.
9. *s. Fortun.* — *s. Marcelin* — Sbroievace (Cions) (b).
11. *s. Gino pape* — Cuel III Armade (Sdraussine).
14. *s. Durì* — *s. Ilari* — Reane.
17. *s. Antoni* — Gnespolèt — Mieze Mont (Polcenigo) (b) — Samardence (Cisèriis) — Vilès — Basandiele — Foràn (Atimis).
20. *III domènie* — *s. Bastian* — Dignàn — Gradis'ce sul Lusinz — Rigulât — Tremonz di miez — Trep di Paluzze — Porcie.
24. *s. Eugenio* — Tulumiez.
25. *s. Pauli* — Pàsan di Pordenòn (b) — Stregne — Racolane — Morteàn — Lavarian (Morteàn) — Tesis.
27. *IV domènie* — Rorai.

## FEVRAR

2. *Purificazion di M. V.* — Platis'cis (Montaviarte) — Raspan — a Viscòn pan, vin e fave di bànt ae popolazion.
3. *s. Blàs* — Lauzzàne — Lestizze — Istrago (Spilimbère) — Alturis (Tiarz di Aquilee) — Merlane (Trivignàn) — Sudri — Giais (Avian) — Pozzalis — Pieris — Maseris.
- Ciazzàs (Tulumiez) — Mediis (Soclelf) — Maseris — Cividât — Tiarz.
9. *s. Polònie* — Liuzzûl — Ciassà.
10. *II domènie* — S. Quirin di Avian — Lusèvare.
14. *s. Valantin* — Amâr — Artigne — Somplât (b) — Ciarpà (Dignàn) — Medùn — Ciadugnee (Tulumiez) — Lauzzàne — Basepente — Cercivint — Grimàns — San Maur (Podgore) — Sante Lùzie (Gurizze) — Segnà — Avasinis (Trasaghis) — Udin — Zòpule — Zui — Barazèt (Coseàn) — Schluse (b) — Lauc (b) — Farle (b) — Ciasliès (Morteàn) — Pozzalis (Feagnè) — Domanins (b) — Val e Rualp (Arte) — Ciassà — Manzàn — Glemone — Conoglàn (Ciassà) — Morsàn al Taiamènt — Ciavàz di Ciargne (b) — Ciavenzàn (Tiarz di Aquilee).



23. s. *Pieri Damian* — Cercivint: sagre di S. Margarite.  
 24. s. *Matie* — Taipàne.  
 27. s. *Margarite* — benedizion dai nemai a Tapoiàn.

## MARZ

2. *I domènie dal mës* — *Ultime di Carnevâl* — Montavarte — S. Quirin (Avian) — Lusèvare — Mascarade di Remanzâs.  
 4. *Ultin di Carnevâl* — Frisànc — Mascarade di Orsàrie — Rivignàn.  
 5. *I dì di Crésime* — Morùz — Cuel III Armade (Sdraussine) — Vât (*Udin*).  
 9. *II domènie* — Quiniis (Enemónz).  
 16. *III domènie* — ss. *Ilari e Tazian* — Gurizze — Vis-sandòn: sagre di S. Valantìn.  
 19. s. *Josèf* — Montegnà — Pradielis — Taipàne — Porciè — San Durì (Flaibàn) — Caprive — Percût — Palse di Porciè — Blessàn.  
 23. *IV domènie* — San Zorz di Noiàr — Sagre de fave a Blessàn — benedizion dal pan e des ciandelis a Cuel III Armade (Sdraussine) — Ciaurià — Perdòn dal folc a Gradis'ce di Sedeàn.

## AVRIL

20. *Pasche* — Pieris — Glemone — *Udin* (lotarie) — Valnoncèl — Ciateóns di Strade — Dolegne — Martignà Moimàns — Raussèt — Roncis di Monfalcòn — Stras-sòlt (Mùscui) — Moràr (b) — Poulèt.  
 21. *II fieste di Pasche* — *Udin* (Sante Catarine) (b) — Pavie di Udin — Sante Marie la Lunge (b) — Tarcete — Gravate (Magnàn) — Cuelalt (Segnà) (b) — Viscòn — Mosse — Pignàn di Ruvigne — Ciopris — Cormóns — Cividât — Valnoncèl.  
 22. *III fieste di Pasche* — Cormóns — Puzzui — Mosse.  
 23. s. *Zorz* — *Udin* (Sagre in bore di Grizzàn) — Cions (b) — Preòn.  
 24. s. *Fedél* — San Zorz de Richinvelde (b) — Claut — San Zorz di Résie.  
 25. s. *Marc* — Raspàn (Ciassà) — Scodovace — Vile di Var — Bielvedé — San Marc — Gai di Spilimbèr — sagre dai spares a Trep Grant — Cucane — Jutiz (Codroip). — Pordenòn — Pasian Sclavonès'c (Basiliàn): Sagre sui prâz.  
 27. *Otave di Pasche* — *Ultime dom. dal mës* — Cumierz (Maiàn) (b) — Percût — Tapoiàn (b. t.) — Ciampèis

di Sofumbèrc (Faedis) — Colze (Enemónz) — Lucinins — Cuel III. A. (Sdraussine) — Ciateóns di Muris — Tulin — Suiàn (Puzzui) — Moimà (b) — Pertèulis (Tiarz di Aquilee) — Butinins (b) — Fane (gran fieste al Santuari di Madone di Strade) — Sagre dai spares a Savorgnàn de Tor — Isule Morosine — Scodovace — Turiac (Sagre di S. Marc) — San Zorz di Résie.

30. — *s. Catarine di Siene* — Cuel III. A. (Sdraussine).

## MAI

1. *ss. Filip e Jacum* — Résie — Pesàriis — Taipane — Sagre dai spares a San Zorz de Richinvelde — Riverote.
3. *Invenzion de s. Crós* — Stele (Cisèris) — Manzàn.
4. *I domènie* — *s. Gotàrt e s. Florian* — Sigilèt (Fors Avoltri) — Diez (Tulmiez) — Cidimònt dal Calvari — San Floreàn (Gurizze) — Raviei — Sagre dai «blaudins» a Vilès — Roncis (Gurizze) — Rude — Cervignàn — Vilote (Cions) (b) — Ontagnàn — Gonars — Romàns (sagre dai pastòrs) — Flumignàn — San Gotàrt (*Udin*) — Culugne — Pantianins — Grimàns — Scodovace (b) — Marian — Tulmiez — Sagre dai spares a Felèt — Pieris — Résie — Villegnove (Lusèvare).
5. *s. Pio V.* — Ciavazgnûf — Cereivint: S. Gotàrt.
11. *II domènie* — Bagnàrie — Vernàs (San Pieri al Nadi-sòn) (b) — Paparian (Flumisèl — Visinâl (b) — Joanniz (b) — Mùscui. — S. Zòrz di Spilimberc: sagre dai spàrcs.
16. *s. Baldo* — S. Fanùt — Navaróns.
18. *III domènie* — S. Salvadór (Maiàn) (b) — Fare — Glemone (Ospedalèt) — Medùn di Livenze — Cimolais.
21. *s. Valènt - s. Canzian* — Ravasclet.
25. *Ultime domènie* — Clauzèt (sagre dai spirtâz) — Oseac (Résie) — Precenins — Ciemplunghèt.
29. *La Sense* — Romàns — Zui — Vile Santine — S. Zorz di Résie.

## GIUGN

1. *I domènie* — Batae (Feagne) — Brazzàn — Cormóns — Grimàns (b) — Lauc — Roncis di Monfalcòn.
6. *beât Beltràm* — San Nicolò (Rude).
8. *Pentecostis* — *II domènie* — Zeveàn — Vilerasse (Staranzàn) (t) — Oltris (Ampiez) — Platis'cis (Montaviarte) — Monfalcòn — Vile Vicentine.

13. *s. Antoni* — Pordenòn — Bordàn — Cis'celgnûf — Frisànc (b) — Glemone — Sudri — Migea — Vile Santine — Palazzûl — Reane — Trep di Paluzze — Ciamplùnc (Tiarz di Aquilee): benedizion dai nemai — Visinâl del Judri — Ciastielgnûf — Ucee di Résie — Pitlùng — Madris di Feagne — Lauc (b) — Medùn Ciasotis (Pavie) — Zoviel (Ravasclêt) — Implàn (Arte) — Manzàn — Forgiàrie — Poz (S. Zorz de Richinv.) — Stele (Ciseriis).
15. *III domènie* — *SS. Trinitât* — Caprive — S. Antoni (Flumisèl) — San Vît al Taiamènt (b. t.) — Migea (b) — Porcie — Arte — Pieris — Manzàn — Alès — Vile Vicentine — Privàn — Tresesin — Blessàn — *Udin*: S. Antoni al Carmini.
19. *Corpus Dòmini* — Maràn — Paulàr — Tulmin — A Savalòns: *SS. Gervàs e Protàs* — S. Còrs di Aidùssine.
21. *s. Luigi* — Beivàrs (*Udin*) — Oblizze (Stregne) — Arbe (b) — Cornìn (Forgiàrie).
22. *IV domènie* — Barcis (b. t.) — Ciassà — Cormóns — Duìn — Latisane — Musi (Lusèvere) — Porpèt — San Zuan di Manzàn — Tarcete — Vivàr — Ciasarse — S. Zuan (Polcenigo) (b) — S. Zuan (Prate di Pordenòn): sagre des ciariesis e dai èmui (giostre, corsis, b. c. d.) — *Udin*: s. Luigi a s. Quirin — Platis'cis — Prepèt — Quische — Sagràt (fieste de redenzion) — Stregne — Tulmin — Frassinèt (Fors Avoltri) — Soclêf — Riz di *Udin* — Ciampei di Sofumbèrc (Faedis) — Coline (Fors Avoltri) — Butinìns (Moimàns) — Moràr — Polcenigo — Lovàrie — Frate — S. Vît di Feagne — Prestint — Aièl (b. t.) — Arte — Ciasarse.
26. *s. Zuan e P.* — Sagre dai scussóns a S. Pieri d'Isùnz — S. Zuan di Polcenigo — Lovàrie.
29. *s. Pieri e Pauli* — Bicinìns — Cordenóns (b. d.) — Maian (b) — S. Pieri al Nadisòn (b. t.) — S. Pieri d'Isùnz — Tarcint (b. t.) — Travès — Valvasòn (d) — Visc — Dolegnàn (b) — Dobraulis — Culugne — *Gurizze* — Romàns di Var (sagre dai giambars) — Magredis — Racolane — Ciavazgnûf — Ruvigne — Giavóns — Staranzàn — Verzegnis — Fusee (Tulmiez) — Ampiez (d) — Ciamplùnc — Rosazzis (Manzàn) — Zupice (Codroip) — Tiarz — Vile Santine — Zuvièl (Ravasclêt): sagre des cidulis (b) — Gnive di Résie.

## LUI

2. *Visitazion di M. V.* — Liuzzûl.



4. *s. Uldari* — Cussignà (*Udin*) — Vilegnove (Valnoncèl).
6. *I domènie* — Maròn di Brugnere — Sudri — Caprive — S. Valantin di Flumisèl (b. t.) — Ciopris — Grau (prucission a Barbane) — Lusèvare — Muzzane (b) — Osòf — Romàns (b. t.) — Cussignà (*Udin*) — Salt — Frate — S. Zorz de Richinvelde — Sudri — Prate di Pordenòn — S. Durì di Sacil.
9. *s. Letizie* — Sagràt.
12. *s. Ermàcore* — S. Stiefin (Buie) — Iplis (b) — Arte — Soles'ciàn — Precenìns — Savogne (b) — Trep di Paluzze — *Udin* — Aquilee — Morsàn — Enemónz — Roverèt di Var — S. Florian — Corone (Marian) — Cesàriis — Oseac di Résie — Ravasclèt: sagre des cidulis (b).
13. *II domènie* — Viscòn (Ciopris) (t) — Dignàn — Palme Sacil: S. Liberâl (d) — Rusclèt — Corone — Lucinìns Vissandòn (sagre dai èmui) — Poulèt — Savorgnàn de Tor — Sagràt — Vile Vicentine — Fors Avoltri — Sorzint (S. Pieri al Nadisòn) (b) — S. Zorz di Résie — Dedeà — Azzàn di Iplis — Prate di Pordenòn (corsis, b. d.) — Iplis (b) — Buie — Raspàn.
16. *B. V. dal Càrmini* — Blaùz (Codroip) — Cordovât — Ravasclèt.
20. *III domènie* — *Redentór* — Visinâl di Pordenòn — Ta-poiàn (b) — Flauigne — Palse di Porcie — Sezze (Zui) — Basandiele (b) — Cervignàn — Felèt — Grimàn — Varian — a Remanzàs sagre dai giòmbars (b) — Polcenigo (b) — Sagràt — Rìvis d'Arciàn (merinde dai giòmbars) — Arzene (b. d.) — Visinâl di Pordenòn — S. Laurinz di Sedean — Tramónz di sore — Bùie — Ciasarse — Belian — Morâr — Masaruelis — Driulàzze — *Udin*: procession al Càrmini.
21. *s. Prassede* — Ruede.
22. *s. Marie Madalene* — Zòpule.
25. *s. Jacum* — Visinâl — Ciassà — Maràn — Morùz — Carnizze (Résie) — Paluzze — Polcenigo.
26. *s. Ane* — Morùz — Piume — Vile Santine (b) — Subìt (Atimis) — Paluzze — Ciampivùl (Ravasclèt): sagre des cidulis (b).
27. *Ultime domènie* — *s. Pantalòn* — Vile Santine (b) — Geri (Paulàr) — Formeàs (Zui) — Prossenìc — Susàns (Maiàn) — Spilimbèrc (b. d.) — Grau (t) — Manzi-gnèl — Rivólt — Medùn di Livenze — Montenàrs — Morâr — Jalmì — Aièl (b) — Faèdis — Craui — Sante Lùzie di Tulmin — Cuar di Rosazzis (sagre dal Giâl) (b) — Ciavàz — Flum — S. Jacum di Ruvigne — Ariis — Rivólt — Savorgnàn (S. Vît al Taiamènt) —

Brugnere — Pesàriis — Toreàn di Cividât — S. Mar-  
tìn al Taiamènt (b. t.) — Felèt: Madone dal Càrmini  
— Ciemplonghèt (Bagnàrie) — Praturlòn (Flum) —  
Rigulât — *Udin*: Perdòn de Cintùrie al Redentôr.

31. s. *Ignazi* — Tiarz (Aquilee): benedizion dai nemai.

## AVOST

1. s. *Pieri in V.* — Pertèulis — Frisànc.

2. *Alfonso de Liguori* — sagre dai polèz a Trep Grant —  
S. Laurinz (Manzàn) — Resiute.

3. *I domènie* — Gradis'ce di Sedeàn — Sauris — Clèulis  
— Colorèt di Mont Albàn — Buri (sagre dai polèz) —  
Lavarian — Pagnà — Rodeàn bàs e alt — Àriis —  
Castoe — Visc — Tamai — Belian — Toiàn — Ovâr.

4. s. *Dumini* — Rizzàn (Pavie).

8. s. *Ciriaco* — *Gurizze* (fieste de redenzion).

9. s. *Fermo* — *Gurizze*.

10. *II domènie* — s. *Laurinz* — Coseanùt (Coseàn) —  
Dogne — Forgiàrie — Cuel S. Valantìn — Vile Santine —  
S. Laurinz (Arzene) — Roncis di Monfalcòn — Maiàs  
(Enemónz) — Fors Avoltri — Palazzùl — S. Laurinz  
di Sedeàn — S. Laurinz di Mosse — Riu (Paluzze)  
— Sauris di Sorè — Iplis — Auràve (S. Zorz di Spi-  
limbere) — Stulvizze (Résie) — San Laurinz (Flu-  
misèl) — San Laurinz (Manzàn) — San Durì — Pra-  
damàn (b) — Roncis di Monfalcòn — Noiarèt di San  
Vit — Ciavolàn (Sacil) — Vilès — Palazzùl (b) — Fors  
di sòt — Plasencis — Rorai Grant — Preòn — Ver-  
nassìn (S. Pieri al Nadisòn) (b) — Lungis — Sacil:  
marciât e sagre dai ucei.

15. *Assunzion di M. V.* — Pontebe — Budoe — Cercivint —  
Cimolais — Ciaurià — Vilegnove (Lusèvare) — Mon-  
reâl Celine (b. c. d.) — Basepente — Pinzàn (b) —  
Cisterne (Coseàn) — Drence — Porcie — Reane —  
Résie — Sest al Règhene (b) — *Udin* (Madone di  
Gràzie) — Tauriàn (Spilimbèrc) — Cicunìns — Fors  
di sore — Migeè — Romàns — Silvele — Tramónz di  
sòt — Vile Santine (b) — Vivâr — Viscòn — Cisèriis  
— Prate di Pordenòn: sagre de glésie — Platis'cis  
— Ovâr.

16. s. *Roc* — Fielis (Zui) — Ciarlìns (b. c.) — Fare — Lauc  
— San Lenàrt — San Roc (*Udin*) — Viarse — Ciamp-  
lunc — Tombe — San Vit al Taiamènt — Ceresèt (Mo-  
rùz) — Voltois (Ampiez) — Glemone — Teor — Cer-  
civint — Poz (Codroip) — Polcenigo (b) — Paluzze  
— Ciavàz di Ciargne (b) — Sudri.



17. *III domènie* — Turiac — Dolegne (b) — Fare (b) — Ma-  
iàn (b.) — Morsàn al Taiamènt — Bris'cis (Ruede).  
22. *s. Timoteo* — Fare (b).  
24. *IV domènie* — *s. Bortul* — Corve (Azzàn) — Ert e Cas  
— Spilimbèrc — Seluse (b) — a Orgnàn sagre dai  
ciùncui — Ciavazgnûf — Anduins — Ciavenzàn — Risàn  
— Poulèt — Romàns (c) — Roverèt (b) — S. Zorz di  
Noiâr (b. t. c. d.) — S. Vît de Tor — sagre des anguris  
a Segnà — Masaruelis — Gradis'ce di Spilimbèrc —  
Tavagnà — Basandiele — Oleis — Montenàrs — Àz-  
zide (San Pieri al Nadisòn) (b) — San Laurinz di Se-  
deàn — Tresesin (b. t. d.) — Mont di Crôs (Atimis) —  
Silvele (S. Vît di Feagne) — Basilian (Pasian Scl.) — Pon-  
teà (S. Pieri al Nadisòn) — Ruvigne — a Vile di Var  
sagre dal buful.  
25. *s. Vico re* — Cions.  
28. *s. Augustin* — San Zorz di Noiâr (b. t. c. d.) — Merèt  
di Tombe.  
29. *Decol. di s. Zuan B.* — San Vît al Taiamènt.  
31. *Ultime domènie* — Basandiele.

## SETEMBAR

1. *s. Egidio Abât* — Bielezòe.  
3. *s. Eufèmie* — Basandiele — Ciasis (Manzàn).  
6. *s. Emidio* — Vinai (Lauc).  
7. *I domènie* — Prepòt — Tiez (Azzàn) — Coseàn —  
Gonàrs — San Duri — Feagne — Polcenigo (sagre  
dai zeis) — Tarcete — Fors di sòt — S. Pieri  
sul Lusinz — Premariâs — Ciassà — Puzzui — Ciavaz-  
gnûf — Vile Vicentine.  
8. *Nativitât di M. V.* — Morâr — *Udin* (Madone di Grà-  
zie) — Dedeà — Madone di Rose (S. Vît al Taiamènt)  
— S. Martin al Taiamènt — Pontebe — Manià — Ni-  
mis (b) — Raviei (b) — Teór — Istrago (Spilimbèrc)  
— Vilalte — Merne — Morâr — Trave (Lauc) — a  
Bertiul sagre de Madone di Screncis (b. t. d.) — Le-  
stàns — Tesis.  
14. *II domènie* — *Esaltazion de s. Cros* — Ciasarse —  
Muris — Avian (b) — Atimis — Cions (b) — Guriciz  
(Codroip) — Trivignàn (b. t. d.)  
15. *s. Nicomede* — Sagre de ribuele a Foiàn — Cose (S. Zorz  
de Richinvelde).  
20. *s. Eustàchio* — Venzòn.  
21. *III domènie* — *s. Matie* — Maiâs (Enemónz) — Rava-  
sclèt — Riu (Paluzze) — Trep (Paluzze) — Ciamp-  
fuarmit — Dilignidis — Passóns — Pieris — Cio-



- pris — S. Andrât (b) — Fontanefrede — Frisànc — Fauis (Gonàrs) — Merêt di Tombe — Morteàn — Ruvigne — Trivignàn — Pasian di Prât — Talmassons — Padiar — *Udin*: procession di Madone di Grazie.
28. *Ultime domènie* — s. *Venceslao* — Braulins — Flum — sagre dai ucei a Felèt — Paulâr — Pertèulis — sagre des razzis a Staranzàn — Gradis'ce — Lestàns (b. d.) — Feltròn — Caprive — Feletis — Roncis — Valnoncèl — Riz di *Udin* — Visinàl di Buri — sagre de vendeme in Aquilee — Vilegnove (Prate di Pordenon): sagre dai ucei (b) — Joàniz — Buèriis (Magnàn) — Marian — sagre dai quàrgnui a Fresis (Enemónz) — Staranzàn — Casteóns di Strade — Iplis — Cividât.
29. s. *Michél A.* — Piume — Fagnigule (Azzàn) — Àrzene (b. d.) — Plazzaris (Montenàrs) — Mont Maiôr — Savorgnàn de Tor — Segnà — Formeàs (Zui) — Coline (Fors Avoltri) — Schlaunì (Lestizze) — Ciopris — Merêt di Tombe — Seluse — Domanìns — Montmaiôr (Platis'cis).

## OTUBAR

1. s. *Remìgio* — Ciampfuarmit — Cordenóns — Ciavazgnûf.
2. ss. *Agnui Custodis* — Manzàn — Montaviarte.
4. *I domènie* — *Rosari* — Davai (Lauc) — Riu (Paluzze) — Ciampfuarmit — Varian — Cuel III A. (Sdraussine) — Tramónz di sot — Travès — Ciazass (Tulmièz) — Fors di sot — Cervignàn — Mels — Paulâr — Pagnà (b. t. d.) — Ciamìn di Codroip — Culturis (Polcenigo) (b) — Flambri — Verzegnis — Vît d'A'sio — Ciarlìns — Nonte (Soclêf) — Poulèt — Casteóns di Strade — Cisèriis — Dogne — Precenìns — Marian — Colorêt di Prât — Pradamàn — Scodovace — Ciavali — Arte — Raspan — Clauzèt — Tor di Pordenon — Arbe — Ciamìn — Ciopris — Cordovât — S. Zorz de Richinvelde — Frisànc — Lauzzà (Pavie) — Ruvigne — Poz (Codroip) — Ovolèt (Zòpule): sagre di S. Michèl — Pocenìe — Pinzàn — S. Zuan di Manzàn (b).
12. *II domènie* — S. Zorz (Spilimbèrc) — Magnàn — Manzàn — Palme (t) — Vileuarbe: sagre des masanetis — Barbeàn (Spilimbèrc) — S. Quirìn di Avian — Àrzene (b. d.) — Grìs — Bonzic (Dignàn) — Lucinìns — Grions — Rorai Grant (d) — Cisèriis — Sedeàn — Cimpèl (Flum) — Iplis.
15. s. *Tarésie* — Bresse di Ciampfuarmit.
18. s. *Luche* — Quische (b) — Provesàn — Pulfar.
19. *III domènie* — Tribùl di sore (Stregne) (b) — Ciamìn

di Buri (b) — Rizzûl — San Andrât — Trep Grant — Lonerià (Segnà) — Vile di Var — Branc — San Vît di Feagne — Banie (Flum) — Osôf — Pieris (sagre dal vin gnûf) — San Guarz (Cividât) — Bresse (Ciamp-fuarmit) — Flambrûz — Felèt: s. Vicènz.

26. *IV domènie* — San Durì — San Quirin di Avian — a Colorêt di Sufumbèrc (Faëlis) sagre des ciastinis — Feagne — Bilîrs (Magnàn) — Silvele — Buie — Medùn — Valnoncèl — Résie — Salt — S. Zuan di Manzàn (b) — Sante Lùzie (*Gurizze*) — Prate di sore (Pordenòn) (b) — Rivignàn — Ghiràn (Prate di Pordenòn) (b) — Bùie — Osôf — Vissandòn: Perdòn dal Rosari — Pers (Maiàn) — Grîs.

## NOVEMBER

2. *I Muarz* — Rivignàn — Pidimònt dal Calvari — Flum  
4. *Fieste de la Vitòrie* — S. Carlo — Aièl (b) — Cisèriis — fieste de vitòrie a Fors di sore — Comemoraziòn dai muarz in Guere a Aquilee — Amàr — Feletis — Stulvizze (Résie).  
6. s. *Leonàrt* — San Leonàrt — Provesàn — Cuelàlt (Segnà).  
9. *II domènie* — Dogne — Varian.  
11. s. *Martìn* — Cividât — Tapoiàn — Val e Rualp (Darte) — Cercivînt — Roncis di Monfalcòn — Fane — Latisane (b) — San Martìn al Taiamènt (b) — Internèp (Bordàn) — Resiute — Basandiele — Ciarpà — Prosenîns (Montaviarte) — Cormór (*Udin*) — Cervignàn — Romàns — Prodolòn (San Vît al Taiamènt) (b) — Cuar di Rosazzis.  
12. s. *Martìn pape* — Cervignàn.  
15. s. *Geltrude* — Tamau (Paluzze).  
16. *III domènie* — Romàns (b) — Racolane — Mels — Frasinèt (Fors Avoltri).  
20. s. *Feliz* — Flambrì — Cions (b).  
21. *Madone de Salût* — Bordàn — Cis'cielgnûf — S. Quirin di Avian — Pessincàne (Flum) — Vico (Fors di sore) (b) — Muez (b) — Puie (Prate di Pordenòn) (b) — Flum — Navaróns — Resiute — Pieris — Peonis — Dimpònz (Tulmiez) — Auràve (S. Zorz de Richinvelde) — Raussèt — Sedilis — Sequals — Bùie (Avile) — Tramònz di sore — Noiarèt (Coseàn).  
23. *IV domènie* — Cormóns — Anduîns — Zomeais (Cisèriis).  
25. s. *Catarine* — *Udin*.  
26. s. *Gaudénzio* — *Udin*.

30. *s. Andree* — Atimis — *Gurizze* — Basilian (Pasian Sel.) — Venzòn — Vilote — S. Andree Taiedo (Cions) — Colorèt di Mont Albàn — Mosse — Luviee (Arte) — Griis — Zuvie (Ravasclèt).
31. *Ultime domènie* — Montegnà — Turiàc — Ciasteóns di Zòpule.

## DICEMBAR

6. *s. Nicolò* — Liuzzùl — Amàr — Tulmìn — Maiàs (Enemónz) — Frisànc.
7. *I domènie* — Tor di Pordenòn.
8. *Imacolade C.* — Vidulis (Dignàn) — Taipàne — Valnoncèl — Ruvigne — Budoe — Trep di Paluzze — Blessàn — Gòdie (*Udin*) — Cùie (Cisèris) — Segnà — Arte — Poz (S. Zorz de Richinvelde) — Tavagnà — Trasaghis.
13. *s. Lùzie* — Arte (b. t. c.) — Budoe — S. Lùzie (*Gurizze*) — *Udin* (al Redentór) — Venzòn — Sedilis (Cisèriis) — Top — Colze (Enemónz) — Raspàn — Prate di Pordenòn: sagre de glésie — Fusee — Glemone — Purzùs (Atimis).
14. *II domènie* — Murlis (Zòpule): sagre di Sante Lùzie.
21. *III domènie* — *s. Tomàs* — Ciassât — Rorai Grant — Rivólt — Vileuarbe — Ciadugnee (Tulmiez).
26. *s. Stiefin* — Cesclàns (b) — Rude — Fusee (Tulmiez) — Sedeàn — Ciavàz di Ciargne.
28. *Ultime domènie* — *ss. Nozènz* — Tresesin — Ciadugnee (Tulmiez) — Piume.

---

## Il presonir

---

Ogni dì da l'albe a sere  
in te s'cépule un ucèl  
al pïule une preiere:  
— Dio! viarzèimi chel portèl!

Miei la fam: dal uestri mei  
'e val plui la libertât;  
ah! molaimi, baste, us prei...  
No sintis che mi à clamât?



Mi à clamât la mé compagne;  
no pò, sole dut il dì,  
tindi al nît; zune, sparagne:  
son cinc bocis di nudrî.

Pùars crotûz, che quant che ur svolè  
tor le cove, slungin fur  
il cuclût... Ah, la mé prole!  
piulànt, planc planc 'e mur!

Ce us ào fat? Svolavi vie,  
vie pai ciamps, legri, ciantànt...  
Parcè cheste presonie?  
Lis mès alis son di bant.

Cà ogni dì la stesse stòrie:  
un saltût, l'è il bevadór,  
un saltût, la mangiadòrie:  
e tal cur simpri dolór.

Un dolór c'al mi econsume  
a cirí fra stec e stec  
la salvezze, e 'o ài la plume  
sanganade tor il bec.

Ah chel cìl serèn, là vie,  
chei bieì àrbui e su chel prât  
i compains plens di ligrie.  
e jo sol, culì, siarât!

Miei la muart! Sedi inozènt,  
no podé spiegá il miò dâl,  
sei crodût anzi contènt  
par chest mei, par un pignûl!

Na saveiso, quant c'o zorni,  
no savêš ce c'o ài tal cur?  
Mi sumii che al bosc 'o torni,  
torni al àiar, torni fur... —

EMILIO NARDINI

Cheste poesie 'e à za fat viarzi qualchi s'cipule di uzzelût presonîr.  
Le metin sul *Strolc*, se ance za publicade di altris bandis, parzè e'an'  
fasi viarzi ancimò, a qualchi frut o frute di cur zentil!

## Il frêt nel istât

*Jo per prinzipi e... per poltronaria  
rispieti duc' i sanz dal calendari;  
ju viodìn za tant timp metûz in ria  
par volé d'un Concilio o d'un sant Pari!  
No son santificâz senza rasòn  
e nissùn pensa a mètju in question.*

*Sol tre (1) mi dan fastidi veramentri:  
son chei che si nomenin «da la glaz».  
Jo no la jâi cun lor personalmentri,  
ma fur di puest mi parin colocâz.  
Vegnìn rompi... l'inciânt di primavera  
in miez dal mai quant che ogni cur za spera.*

*Se vignissin pe' fiestis di Nadâl,  
no saressin viodûz cà cun rancôr;  
in chel timp za l'unviar nus fâs tan' mal,  
no impuartarès il frêt che puartin lor;  
cul vint saressin da la nêf tal miez  
rizevûz da la tôs e dai polèz.*

*Ma vegnìn quant che i ârbui son in flor,  
che za la cisiluta fas il nît,  
che ognùn si dismenteia il rafredôr,  
che dal cil il soreli s'cialda e rit.  
Sin vistûz par l'istât... l'è cà di bôt...  
ma vegnìn lor... e presto sù il capôt.*

*No bastin chei sis mes luncs dal inviar,  
cun sol a San Martin l'interuzion!  
Vegnìn dal paradìs puartá l'infiar  
chei tre sanz inglazzâz fur di stagion.  
Vin avonda ogni sorta di misèria...  
che vadin chei beâz lajù in Sibèria!*

Gurizza.

ALBERTO MICHELSTÄDTER

---

(1) S. Pangrazi, S. Servazi, S. Bonifazi, 12, 13 e 14 di mai. Si viôt  
che chesc' Sanz in -azi e' àn di vé qualche parentât... cu' la glazze.

## Il daprafundis durànt un funerâl !

(Lengaz di Prât in Ciargne).

Ciô, Tina, va su la linda mo. da brava, e tira denti chei panciz ca i saràn suiâz, po fa' lu plasìa di mètint un sot lu culût a di chê fruta i cui (1), c'a sarà duta bagnada, daspò sèntala sun chel brèdal (2), cu' la bûsa tant bon ben tal miez, se nò 'a s'a fâs intòr îa, vè. — Sù. da brâs mo fis: intànt cu la int 'a è al funerâl di biât Nart, nûa disin un daprafundis. Fait lu seng da santa crûas mo. — « In nòmine patris, figlio, spîrito in santi » — Oh, cun qual man la fâtu, tu po? cun chesta chi si fâs la crûas. na gi âia insegnât to mâri? Oh! brava, cussì mo. Tornin a di: — « In nòmine patris etc. » — Brâs, i vîas fat e det bon ben chesta volta — Tâs mo, tâs buina, cu daspò gi darai un cimi di peta (3) cota sot la bulifa (4) — « Daprafundis incolmavit te dòmîne, dòmîne, soldi in borsam mea » — Eh! ce fâsia chê fruta cui dîas su pal nâs? Sozzata, nètagi ta cotaluta vè. na è creanza a fâ chês rûbas; nètala tu sona (5), c'a tu âs pin udizi e c'a tu sîas pin valenda di îa. — « Impiantarla tar un dente e in borsam purgationis mee » — Pureità, sozzàs, mi fais propi danâ! Su tential lu gialûl? na vèsa poura cu lu Signûar su ciastêa? — « Si ne patate salvâdias, dòmîne, dòmîne che sei ostinebit » — Jêsu Maria, ce odûars ce puzzata, na su ten pin di guàrdia vè, bacedata, nengia si credès di vignî una siora! — « Capo di te, prepuziazio destè e pròpio lese tua, si ostinite dòmîne; ostinite ànima mea in verbo d'aio, spurgavit ànima mea, sempre in dòmîno » — Êisal un tùf? Ciô, Tina, ciala chê fruta i cui, c'a à da vîa insozzât intòr. Va toli la scovacêra e la scova di bedoi e nètala besçleta. Sù, svelta: da tô etât i sualavi, jo. Ce vîsa mangiât uîa c'a è fiesta? Sona i fasoi a pestadizza di nassera c'a su fas fâ chestas rûbas? Ma chesta puzza 'a sa propi di zûs di salmuèdia. — « A custosa di matîna, un steco di note spera ti ostel in dòmîno » — Biadazza, ce plena c'a è vadè! Sa l'â fata intòr îa. Na sta a móvigi cu' las giambutas; tu t'insozzas duta, sâtu? Jêsu Maria, ce âia mai fat a tignîsu jo! (iô, Tina, puarta cà un pugia di cinîsa e neta chê fruta, sù besçleta. Caca, caca bedeneta, sta ferma cun chê manuta. Tina, na tu vious c'a à sozzetât ta man? Met jù, met jù cour, 'a è eaca biela e buina, chê vè! Eh! ce giàubara di crima! si vai engia dongia! Oh! anin in davànt. Ma cumò, propi, si met sot tiera il biât muart e nûa i componin una raganizza (6):



Tiera mota 'a pâr tant bon  
 Tai ciamps e tai prâz,  
 Ma nò nò ta chel sagrât,  
 Muarz mîa di cour!

Lu sore, la' cartûfolas e i fasoi  
 Ai son encia lûar sot la tiera,  
 Ma quant c'a torna la primavera,  
 Volunteir ai torna four.

Ma i nostis muarz, mai pin ai torna  
 A fâs' vidîa in chest brut mont,  
 Nencia si vain d'emplâ 'na gorna,  
 O se lu tôr al si fâs tarònt.

Ma coma i flûars cu da sot tiera  
 Ai salta four par gioldi lûs,  
 Cussì i muarz nostis, a la pàs vera  
 Saràn nel premi dal cîl metûz.

Daprafundis disîn, cu in santa pàs  
 La lûar ànima, coma si dîs,  
 Vadi a gioldi fra i tanc' beâz,  
 Las santas glòrias dal Paradîs.

— « Capo di òmini, misèria in corda e po in lôsa bùlee redênsio, e tu pessa redimet, ostel in ònibus, si ne patate buèlus, reliquia interna, di dona et òmeno la perpètua, la lusia a coi, e il re cresa in piazza ament ». — Na sai nencia ce chi dîs jo, vadè; mi fais lâ atôr la cucùgia; i soi propi gioca ta chesta puzza; na mi rêz pin lu giâf. Signûar benedèt, perdonaimi, si ài preât malamenti; prearai bessola daspò. Na pos propi pin, mi ven lu voltalèz (7); puartàimi un pûac di siz (8) e un got di âga, chi mi s'ciafòi propi. À da tociâmi propi a mè, chesta mo. Maria Santissima perdonaimi; su prei, perdonaimi!

Venezia 1923.

BEPO RUPIL

(1) I cûl - all - (2) Brèdal - scagn - (3) Peta - fuiazze di pan di sorc -  
 (4) Bulifa - cinise cu' lis boris - (5) Sona - ciare, benedete - (6) Raganizza - un ciânt - (7) Voltalèz - ...di gumità - (8) Siz - sir garp.

### L' unte rimiedi.

Ninine, 'o soi malât. No é midisine  
 al mont che zovî pal miò mal. Il miedi  
 al à za dit che nol è plui rimiedi,  
 che di chest mal 'o scugnarai murî.  
 Ma se tu fòs cà tu, biele ninine,  
 e cu' la to bociute sprofumade  
 tu mi dassis di cûr une bussade,  
 ché to bussade mi farès vuari.

1919

NINO S.

## A òdulis in buse.

No jé zornade vué, l'è dut di bant.  
Lis òdulis no zuein, chês malandretis !  
Si jevin fur di tir e sù, vuitànt,  
e' van in alt in alt come fusetis.  
Il ciazadór te buse, sivilànt  
cul vuìt, lis clame e lor... passin vie dretis,  
tal qual che se ubidissin a un comànt,  
sveltis, che il folc lis trai, tan' che saetis !  
Ma finalmentri une si sbasse... 'e zuee...  
Il zùs, dret su la crùchie, eco, i cimie,  
contènt e seneôs di fái la fuee.  
Al smire il ciazadór, tignìnt il flât,  
e al trai.... *pìn-pan*... L'òdule 'e s'ciampe vie  
ciantànt, ma il zùs .. al cole sfolmenât.

*Morteàn, 6 di novembar 1920.*

NINO SORMANI

## DIFERENZIZ.

Si veso mai scontrât, lant vie pe strade,  
in t'une biele siore compagnade

da so marit ?

Vó la cialais e, par ché malandrete  
passion di uaré vé ze che no us spiete,  
pensais dibòt:

"Parzè mo qualchidùn al àe di vé  
cussì une biele siore e jo, pùar mè,  
tiri la gole?

Par vé ché lì darès no sai ze tant!,,.

Ma so marit - puarèt - al pense intànt:

"Che no si ciati, sacre da vanzete,  
nissùn e' al puarti vie chiste saète?

Jo la darès ance di cuintrebànt,

propri di bant!,,.

ALFONSO DEPERIS

## Vilote.

Tu sês propriit 'ne spirtade  
cun chei voi discocolâz!...

Ze ti sgùrbie di vuadiàmi  
daspò vémi ciolt pal nâs ?

No ti poche c'o t'implanti,  
par no piardi un comodin ?...

No ti foi di ciadrèute,  
s'o savès c'o mur bambìn!

TITE DI SANDRI

## Ma parzè?... ---

Ma parzè, parzè mi distu  
che 'o soi senze religion,  
che tant timp no jeri a messe,  
che no vadi a confession?

che co sune avemarie  
no mi fâs la sante crôs,  
che se guai no mudi vite  
no t'us vémi par morôs?

O bambine, bambinute,  
co ti ciali 'o crôt in Giò,  
a lui sol jo mi confessi  
e lu prei par tè, ben miò.

Quant che 'o bussi il to zarneli  
— crôt ninine al to morôs —  
la to boce e i voi di more,  
bambinute, 'o ài fat la crôs.

ALFONSO DEPERIS

## El miò giatùt.

Ben ben inglemuzzât sul fogolâr  
el miò giatùt al duar;  
ma un uic c'al sinti, ècolo pront c'al viarz  
chei siei voglùz tant clars.

El miò frutùt lu sa:  
par chest s'e giolt un mont a fá zirá  
la puarte che, se urtade un sol tantin,  
'e uiche, 'e uiche tant che un surisin!

Ma il giat, dopo smiciât  
un pôc e ben nasât,  
si volte viars il frut  
e lu ciale di brut.

Al pâr che i disi: « A mì no tu m'e fâs,  
ninìn, che jo ài bon nâs! »

Po, cui voglùz di furbo miez siarâz,  
si torne a meti in pâr,  
si torne a inglemuzzá sul fogolâr  
fin che... à bulît la ciar!

FABIO GALLIUSI.



## Une zumiele di favate

---

Un clup di zucur al pò fá il meracul  
che mai no lu farès un bon manecul.

---

Spose un ruspi, un ciastròn, un pùar pitòc,  
ma, par l'amór di Diu, no cioli un cioc.

---

Par fá furtune, inzèn al è une mane,  
ma, prin di dut, bisugne vé furtune.

---

La caretât jé un troi par lá t'un lamp  
là che par zent virtûz mai no si é insòmp.

---

Pai voi ti entre la passion tal cur,  
e pal rot de sachete 'e ti va fur.

---

Il ver furlàn, par fá passá la fote:  
une prese, un munzûl e une vilote.

---

Miei li barghessis rotis ta fadie,  
che lustradis sul cul in ostarie.

---

Senze dal om la fèmine si ciate,  
senze fèmine l'om al è un biel pote.

---

Mior un nò su t'un plat di biele ziere  
che un sì t'un podin di brute maniere.

---

Jo no i crodi a chel tal che 'l sberle a mat:  
'Vive l'Itàlie!' e nol lavore un bot.

---

Ociai, manezzis, baguline e cane:  
se tu sès pùar beât, ti fan sior mone.

---

No son ciossis di miez tal matrimoni:  
o jé un agnul la fèmine o un demoni.

---

La justizie dal mont 'e jé une jene  
che, a viodi un pùar, s'ingrinte e ti lu sbrane.

---

Mior quatri « corpos » dîz lì, su la bote,  
che tanc' dîs di musòn par une fote.

---

TUNIN CIARUTIN

